

花爨讖

餘

影餘

綺

詞詞語





詞 波 微

著 枚 錢

叢書集成初編

(補印本)

微波詞及其他二種

一九四〇年六月初版
一九五九年十月補印

商務印書館出版

上海大東集成聯合印刷廠印刷

重刻微波詞敘

浙西詞家。雲屬霞舉。揭糞六家。以爲職志。先聲同調。接武有流。莫能盡也。乃有杳眇湘君之佩。蒼涼成連之琴。屈刀爲鏡。唾地生珠。如杭州錢吏部謙。盦先生。微波詞。非朱厲以來所能蓋也。先生高言令德。曠代逸才。遐舉人海之中。託興國風之體。予歎其思。鏘洋其音。如謝朓。柳惲之詩。所謂芳蘭竟體者已。同時龔定盦。儀曹橫絕一世。目空千古。填詞超超。有飛仙劍客之概。而傾倒先生。若同工而異曲。其言曰。疑齧於口。而聲音欲飛。殆不可狀。則夫六家之流。或有前賢之畏。五十年來。傳本頗希。許邁孫氏重刻於榆園。此非鄉曲之見。是爲騷雅之餘。卷中有句云。人爲傷心纔學佛。予舉似邁孫。以爲倚聲家觸類之散言。在是矣。時光緒丁亥十月。仁和譚獻撰。

定庵文集錢吏部詩集序後云。小樂府一卷。幽昏而情深。言古今

所難言。疑澀於口。而聲音欲飛。殆不可狀。前哲有言。古今情之至者。樂器不能傳。文士不能狀。意者然乎。

僕雖非察士。頗以思慮爲勞。未到中年。已多哀樂之感。承閒箴乏。援筆卽書。每覽詞曲諸家聲調迭起。輒謂情之所鍾。言各有當。服姑葺之草。自然生媚。約九拜之珥。亦足寫哀。是以西崑一集。妙擅無題。南唐諸作。偏工小令。蓋有用意尙巧。以少爲貴者焉。每一閱寫。卽效其格。抑揚其調。皓唐其心。侘僚所託。蓋可知矣。嗟乎。一身之內。曠有迴腸。頻年以來。居然落魄。酒人已去。空留舊日衫痕。春夢能來。未到黃昏時候。思夫君兮不見。託微波以通辭。好儷壽之音者。將毋以詭赴爲譏。嗜蛤蜊之肉者。或不以味少見棄乎。謝盒自識。

微波詞序

湘江淚竹。滴滴圓紅。洛浦情瀾。鱗鱗嫩碧。回腸蕩氣。弔夢歌離。爲此辭者。其古之傷心人歟。卒之急景凋顏。沈憂損壽。梅信明湖。空懷故國。鶻聲孤館。易近斜陽。醉歸一詞。竟成絕調。少游已矣。百身何贖哉。嗚呼謝奩。燕市逢君。元亭訪我。共就慧業。遂託心盟。長宵把酒。嚼蕊吹華。小閣圍鑪。引商刻羽。唱烏鹽之古調。和黃澹之新聲。筵轉遏雲。歌脣銜雨。自謂極題襟之樂。擅倚曲之場。何圖瑤札尙新。而玉棺遽掩。知音長逝。才子無年。鍛赤水之珠。碎紫山之壁。天高難問。誰能不憤悵者哉。微波一卷。片羽僅存。品貴陽春。名齊蘭畹。峽雲舊夢。江月前身。繁華乍零。淒涼遠目。疏樹早落。棖觸離襟。調逸千秋。情深一往。世有解人。斯足傳矣。寒鐙欲盡。雪影如波。攝管無棕。紙窮墨燥。沈瀾者久之。嘉慶九年二月二日。金匱愚弟楊芳燦書於夫容山館。

微波詞

清 仁和 錢 枚謝盒著

憶王孫

短長亭子短長橋。橋外垂楊一萬條。那回臨別兩魂銷。恨迢迢。雙槳春風打暮潮。

望江南

侵曉起。莫過畫廊西。牆角未開華一桁。梁閒卻有燕雙棲。生怕婉春泥。

又

殘夢怯。月下枕函低。華影一窗無覓處。東風吹過翠簾西。已唱汝南雞。

又

愁望遠。清淚溼羅衣。春事催完胡蝶懶。楊華開瘦鯉魚肥。游子未成歸。

又

深院裏。獨自坐縫衣。舊夢易迷三里霧。新愁分付九張機。眉語認依稀。

更漏子

夜寒時。人倦後。閣裏重新溫酒。屏風上。畫成行。一雙金鳳皇。拋紅豆。揜羅袖。鎮有閒情消受。何須記。自難忘。多燒心字香。

浣谿紗

年時畏見好時光。疏雨催開華半牆。許多胡蝶下迴廊。人又不來春又去。凭闌獨自著思量。料誰說與但回腸。

嬈戀華

咏藕

一握彎環西子臂。暝玉玲瓏。薄切春冰碎。人在碧闌干畔倚。教儂親
手風前遞。記上蓮舟浮淥水。郎面蓮華。妾意蓮蓬子。誰解纏絲心
上事。箇中別有柔絲繫。

臨江仙

嘲楊華

和雨和煙飛不定。送迎常在郵亭。何緣看得別離輕。人間多此恨。華
裏最無情。一陣棟華風起處。曝衣人最心驚。問伊何苦化浮萍。幾
多輕薄意。飄泊到來生。

風蝶令

促織

夜簟涼初起。秋衾夢未成。不堪聽得兩三聲。何況淒淒切切到天明。
暝閣人團坐。金盆鬪有名。愁人一箇自關情。若問華堂風月。那心
驚。

望江南

來去處。相近碧窗紗。淺撥風爐溫卯酒。半開羅幔遞春茶。香沁碧桃
華。

又

臨別去。無語淚空流。一寸縷金裙帶子。替卿能寫幾多愁。心事太悠
悠。

風蝶令

好夢難重作。去春愁又一年。東風吹起夜窗眠。依舊初三月子。不曾
圓。曉霧凝香溼。游絲惹恨牽。桃華開近翠簾前。華外一重涼雨。一

重煙

浣谿紗

寄內

征鴻南下水東流。早晚行人過兗州。客中難得寄書郵。一枕輕寒
千里夢。兩邊明月十分愁。不眠同在五更頭。

又

慵妝倭髻不勝釵。自嫁黔婁百事乖。閒愁好是強安排。鶯最有心
驚別夢。風偏無力卷春懷。莫將病眼盼天涯。

蝶戀華

題家筠友春風憶舊圖

萬條金縷和煙種。似起如眠。綠到春無縫。可奈長條迎又送。天涯誰
繫青絲鞵。他鄉聽斷江城弄。人似楊華。愁比楊華重。一種晚風吹

不動。淒涼十五年前夢。

清平樂

斜風細雨。總是銷魂處。儂自留人留不住。好夢幾時重作。
去

天涯

芳草悠悠。垂楊影裏登樓。望盡去帆千片。更無一箇歸舟。

浣谿紗

記夢

春風吹夢引閒情。夢裏從他過一生。最無能耐是雞聲。
人爲傷心
纔學佛。華如解語定憐卿。一番閒話記分明。

采桑子

尋思華月追歡地。枉自心驚。數遍深更。閒步中亭看曉星。
佛前悄地拈香祝。懺悔來生。不要聰明。到底情癡懺不成。

一作曉不分
明第幾聲

浪淘沙

香霧溼華枝。月上遲遲。籠燈說與醉人知。酒後須教添半臂。怕有風吹。好夢不多時。華事迷離。春陰閣住海棠絲。一陣淒涼心上過。獨自尋思。

又

月影上紅樓。挂起簾鉤。尊前重唱小梁州。叵耐三更銀燭淚。先替人流。往事夢悠悠。獨自凝眸。眉來相伴是春愁。別有一般消遣處。閣在心頭。

柳梢青

半醉情腸。懊儂天氣。獨坐西樓。往事空尋。人間天上。眼底心頭。黃昏放下簾鉤。又微雨、聲聲送秋。荷葉芭蕉。兩邊憔悴。一樣清愁。

鵲橋仙

酸風漸緊。月輪微直。記得那回元夜。小鬟低語勸深杯。拼醉倒、玉梅

華下。十年前事。最關心處。重到舊時亭榭。空留卍字曲闌干。祇少箇、凭闌人也。

洞仙歌

病中聞梅華開到九分

春陰五日。最關心華事。華信知他欲開未。柰一重紙帳。先逗輕寒。人病了、鎮日恹恹濃睡。侍兒私語處。聽說南枝。瘦影玲瓏不禁倚。惆悵祝東風。著意輕憐。須喚取、蜨蜂迴避。第一是留他一分兒也。莫爲春愁似儂蕉萃。

青玉案

無端想著銷魂處。挑逗起閒情緒。心字香曾燒一炷。意中人遠。酒邊愁近。天上春風去。城頭已打紉如鼓。病眼惺忪倦如許。斷夢原來留不住。半牀涼月。一階涼葉。滿地涼蟲語。

洞仙歌

題袁大蘭邨通南園春夢圖

困人天氣。又落紅成片。不是東風不留戀。柰子規聲緊，抵死催春。春
去了，華也被他唬倦。最難排解處。華落春歸，好盼明年再相見。偏
是夢無憑。夢裏相逢，還不是、舊時人面。悔不學楊華化浮萍，看點點
圓波，不會分散。

鵲橋仙

七夕出門將至上谷

雁聲何處。遂聲何處。攪得愁心難歇。雙星心事太怱怱。原不管、世間
離別。辭家也慣。長行也慣。只有依人難說。西風瘦馬佛狸城。可許
我、自家憐惜。

醉春風

微波詞

江上

無限江山興。杯酒無人贈。一雙倦眼看金焦。醒。醒。醒。飯也無味。茶也無味。睡也知難穩。獨自扁舟悶。獨自深宵冷。西風老雁叫荒江。聽。聽。聽。二更潮長。五更潮落。侵曉開船定。

水調歌頭

寄題叔美七弟騎象百蠻圖

壯思忽而動。騎象入羣蠻。瘴雲衣上如墨。細點鷓鴣斑。聊復科頭赤脚。且喫檳榔蒲醬。快活勝羸官。歸興卻難遣。夜夜唱刀環。悵年來。君絕傲。我邊關。西風朔雪千里。瘦馬自衝寒。飄泊天涯書劍。回首故園兄弟。清淚各潺湲。何日共攜手。穩臥越中山。

臺城路

贈軍臺戍客

調。霜天漸曉。又哀角催眠。酸風敲帽。冷冷清清。一羣人影帳前繞。
繁華過來艸艸。悵親朋都散。僮僕先飽。眼淚成冰。料難洗面。纔信在
家貧好。君休懊惱。判歸骨家園也。還易到。那更酸心。玉關人已老。

鵲橋仙

自白下回武林舟中寄蘭邨

見時無語。別時無語。過後思量千徧。人生若不苦相思。又何用天生
魚雁。青山向暮。白雲無盡。卻好澁江如練。阿誰喚起石尤風。暮地
把、峭帆吹轉。

臨江仙

寄懷嚴六小秋

簡生

九十日春將盡。一千里路相思。江南客到落華時。殷勤開短札。懊惱
寫新詞。聞說故鄉難住。更添愁緒如絲。一番惆悵一番癡。行期還

未定。先要問歸期。

江南憶

寄懷蘭邨

江南憶。最憶好圍屏。船趁風前行。客到蓮華橋畔。酒人歸。情話兩依依。

又

江南憶。翦燭坐更闌。捉搦偷開金了鳥。更衣共凭玉闌干。臨睡又盤桓。

又

江南憶。歡喜結同盟。近水華枝評甲乙。罵人酒令賭聰明。團坐笑顏生。

又

江南憶。頻夕置深杯。酒熟巧催生客去。魚跳卻上小船來。顛笑忽如雷。

又

江南憶。丁字水簾前。孫楚樓開頻喚酒。謝靈家近懶迴船。情思各纏絲。

又

江南憶。蕉萃望天涯。游興淺於缸面酒。春愁濃過雨前茶。夢卽到君家。

望梅

婁江市上糖梅味極甘脆。名風雨梅亡室最善作之。今夏有以此梅見寄者。感賦此闋。

江城夏五。正梅肥時候。風風雨雨。記窗前。一樹青青。早分付園丁。傾筐摘取。親手搓拏。更方法。從頭說與。青錢細簸。白蜜生醃。紅瓷封貯。追思十年前事。悵綠么弦斷。翠簌香炷。又江南。節物登盤。問舊時滋味。何嘗如許。春夢銷沈。訪嫩綠。池塘何處。賸微酸。一點常在。心頭留住。

百字令

皖城吳茶坪云前明嘉靖時吳某家素豪富所居果園廣營聲伎有瓊瑣孃者色藝冠絕一時既病天主人痛惜之卽葬於園中牡丹臺畔園後歸於茶坪令租客有寓園中者猶於月夜髣髴見瓊瑣微步華下賦此紀異

百年池館。問舞衫。歌扇飄零何處。只有春愁銷不盡。分付牡丹留住。燕子重來。雕闌已換。寂寞尋黃土。料應紫玉。香魂不化煙縷。聞道

翠袖翩躚。雲鬢倭髻。時作珊珊步。天上涼蟾明似鏡。仍照舊時眉嬾。
絕勝秋孌。釵橫鬢亂。夜唱瑣頭雨。一番憑弔。東風搖曳如許。

菩薩蠻

秋閨

溶溶一片桐陰碎。淩波微露鶯鶯態。秋影卻平分。眉痕與鬢痕。
闌干閒倚徧。小立知他倦。簾卷早涼天。嬾眠人未眠。

瑣窗寒

粵中白蘋華大如盎何文春渚自揚州小玲瓏山館攜歸賦
詞索和

澹影羞煙。低枝怯水。娉婷如許。欲開還未。須待日高亭午。漫催他、惺
忪倦眼。曉涼難得芳心吐。比蓮華還瘦三分。爭禁一天風露。記到
茗谿路。祇瘦蟹蘆汀。冷漚淺浦。柳惺工吟渾未見者。番風趣。羨騷人。

耐得清愁。縱將一把蠻煙住。怕揚州、花月繁華。合併半簷枯樹。

清平樂

餅梅

銅餅一尺。注水春冰裂。不管三更簾外黑。翦取半枝殘雪。夜闌夢醒空幃。紙窗畫本依稀。較量月斜時候。影兒略比華肥。

湘月

嘉興潘湘雲國初名伎也屬意於梁谿潘讓侯後竟歸廝養卒悒鬱死有崑山女史陸芝僊摹其遺像久之零落市中胡秀才眉峯購得之屬賦

玉梅華下。有亭亭翠袖。天寒徙倚。命似飛華身似葉。一寸柔腸先死。眉語微傳。臉波欲溼。瘦得春如此。留伊風貌。定煩寫韻仙史。卻遇吳質工愁。畫圖省識。鎮有相憐意。粉斷香銷。渾似夢。笑問干卿何事。

名士青衫。美人黃土。各自傷蕉萃。芳魂休悵。逢君已是知己。

柳梢青

題邵四蘭風

廣金

長相思圖

杜牧風懷。崔徽心事。分付春痕。豆蔻梢頭。櫻桃華底。何處重門。
天
涯獨自黃昏。賸夢裏。香溫酒溫。紅粉飄零。青衫落拓。一樣銷魂。

又

畫裏真真。風前扣扣。爭奈情何。除自當初。不曾相識。來去由他。
春
深夢也成婆。撇幾處。簾波酒波。六六鴛鴦。雙雙胡蝶。總是愁魔。

又

彈指流光。關心舊事。我亦憐卿。無計留人。居然作客。太不聰明。
春
風枉自留情。吹幾處。長亭短亭。一箇情儂。今生如此。何況來生。

又

天上桃華。人間流水。本是參差。帶帶留仙。心香懺佛。春夢醒時。才
人畢竟情癡。似楊柳。千絲萬絲。浪打浮萍。風扶飛絮。未必相思。

金縷曲

題秦良玉小象

明季西川禍。自秦中飛來天狗。毒流兵火。石砧天生奇女子。賊膽聞
風先墮。早料理。巫夔平妥。爭柰軍門無將略。念家山。只怕荆襄破。妄
男耳。妾之可。蠻中遺象誰傳播。想沙場。弓刀列隊。指麾高座。一領
錦袍。殷戰血。襯得雲鬢婀娜。更飛馬。桃華一朵。展卷英風生颯爽。問
題名。媿煞寧南左。軍國恨。尙眉鎖。

前調

題黃仲則先生悔存齋詞藁卽用集中贈汪劒潭原韻

太白才奔放。記扁舟。洞庭吹簫。高樓秋望。讀罷金荃新樂府。又見蘇

辛身量。細領略。一生惆悵。今日先生埋骨矣。祇春愁。難付秋墳葬。一
縷縷。夜飄蕩。才名合在孫淵如。洪雅存上。儘銷磨。閒中滋味。客中情
況。書劍飄零。朋舊散。賸得靈光無恙。月擲向。蓬蒿窮巷。高臥玉樓仙
夢穩。有明霞。作枕雲爲帳。天風送。佩聲響。

前調

和作仍用前韻

金匱 楊芳燦 蓉裳

擊節悲歌放。弔詞人。九原風雨。北邙相望。

仲則客死山右。途中有句云。九原風雨逐人來。遂成詩識。

百

斛龍文扛入地。空說此才難量。祇博得。半生惆悵。一領青衫枯似
葉。裹峻嶒。瘦骨和愁葬。仙蛻化。吟魂蕩。果然慧業生天上。怕琳
宮。也難消受。高寒清況。塵世鬻華經。小劫。煙月原來無恙。可還憶。
踏歌門巷。鐵撥銅弦。彈絕調。早秋星。迸落青瑤帳。商聲急。萬山響。

仁和 錢廷煊 小謝

醉膽憑君放。算奇才、通眉長爪。古今遙望。幾寸柔腸迴不斷。似海
深愁難量。最無奈、天涯惆悵。命似狂華身似葉。愴西風、和雨和煙
葬。魂寂寞、任游蕩。姓名不挂名經上。禁頻年、酒人涕淚。無聊客
況。性懶情多兼骨傲。天付半生清恙。還不許、埋愁窮巷。空賸殘編
容我讀。逗一丸、秋月寒生帳。商聲起、裂雲響。

天仙子

題林小谿繞屋梅華圖

華南雪北訪詩人。未到門時香暗聞。門前翠羽一羣羣。一隻雀。一窩
雲。瘦煞揚州月二分。

賈華聲

從友人乞秋海棠

微雨暗西樓。華事句留。從君分取半庭秋。屬付園丁輕著力。牢護根

頭。華韻便盈眸。無限溫柔。問華真箇斷腸不。儂做斷腸人已慣。翻替華愁。

湘月

題汪紫珊

世素

碧梧山館圖

紙窗斐几。愛秋陰盈寸。隨風飄落。蕭灑閒繙高士傳。消受神仙清福。滿砌蟲吟。一丸月小。幾片涼雲線。送來半臂。有人偷覷銀燭。暹記去歲扁舟。秣陵江上。悔未尋幽躡。歸向空山愁寂處。料理長鑱黃獨。何日閒身。洗空塵鏡。遠訪雲林屋。琴絲酒琖。樹根把卷同讀。

摸魚兒

芸暉書屋銷寒第一集招同楊蓉裳

芳鑠

吳蘭園

自求

許八兼

廷詒

袁蘭邨

通

楊浣蕪

夔生

及兒子

廷煥

送邵四蘭風之河閒盛

太守幕

正長安、酒人歡聚。怱怱離緒偏起。圍爐不厭更深話。明日留君無計。君去矣。訝纔說銷寒、便惹銷魂意。夜長如此。且拋卻愁心、暫同諧笑。頭沒酒盃裏。河閒地、凍合滹陀千里。酸風獵獵吹耳。悲歌慷慨真無益。莫唱清商變徵。君解未。悵從古、依人誰吐元龍氣。月華如水。算夜夜江南、夢魂歸去。明夜又燕市。

百字令

同作

楊芳燦

閒齋小戶。喜纖塵不到、夜窗明淨。一縷茶煙紫榻畔。細響瓶笙堪聽。燭暈圓紅。酒鱗重平碧。諧笑添佳興。閒中風味。儘容狂客消領。簾外新月澹黃。遠天如水。鴈背霜華冷。話到燕南人欲去。坐徹長宵應肯。乍覓清歡。偏憐小別。聚散真浮梗。停盃悵望。風前薄醉旋醒。

高陽臺

同作

金匱楊夔生虎壽

簾額遮香闌。腰過酒。天涯小聚清歡。君去非歸。依然柳老江潭。尊前試弄桓伊瑟。帶商聲。別淚偷彈。更敲吟。雪屋燈明。詩夢清寒。頻年我亦羈京國。況客中送客。歲晚風酸。見說來朝。載愁只有征鞍。桑乾水凍流澌咽。爲離人。怕聽鶯湍。賸離情。黯作空雲。吹滿遙巒。

河傳

同作

仁和錢廷愷小謝

側帽騰笑。香熏鼎熱。月窺簾小。四三人影。映鐙圓。漏殘。苦吟忘卻寒。驪駒偏促。天涯別。離腸結。冷似蘆溝雪。酒同斟。莫辭頻。休醒醒時多雁聲。

小重山

題李虎觀

邦覺

梅梁漁隱圖

卜築漁莊寄此生。谿山隨處好。一竿輕。乍攜橫。遂上湘艚。滄波外。吹裂夜山青。展卷最關情。自憐人海夢。幾時醒。故鄉也有好漁汀。西谿路。孤負舊樞盟。

水龍吟

緣迦栴精舍銷寒弟二集分賦得玉河橋咏明季魏宮人等
二百餘人殉難事

溶溶一片明波。也曾照見滄桑換。甲申舊事。飛來燹火。六宮星散。無數蛾眉。同甘魚腹。粉齏香亂。羨溝中紅葉。無情飄蕩。渾不解。興亡怨。更有費家嬌伴。閃刀光。虎頭生斷。一般報主。水流華謝。淒涼歌管。料得芳魂。依然奉侍。玉魚金盃。勝荒燐夜哭。清清冷冷。玉鉤斜畔。

前調

賦得騰禧殿明武宗爲劉妃建也

楊芳燦

瑤池入駿歸來。後車載得真佳麗。明姿絕世。香柔粉秀。六宮誰比。
生小傾城。肯輸漢殿。延年女弟。是瓊枝無種。移根天上。休認野華
偏媚。野華偏有色。康陵句也。聞道寶華屏底。許雙題。九重名字。當年扈從。珠
璫共輦。錦袍連騎。諫獵書稀。當熊人去。淒涼舊事。問遺簪何處。蘆
溝橋畔。一灣流水。

前調

賦得黃華坊明伎薛素素舊居也

錢廷煥

長安九陌飛華。餘香埋卻韋孌宅。黃華坊底。粉垣薰落。蒼涼斜日。
鳳去臺空。燕歸樓圯。問誰曾識。向荒苔尋徧。鞦韆痕。屐印。渾不見。行
雲迹。傳說技誇雙絕。控華廳。自調金勒。鬢絲拂柳。舞衫翻錦。一

鞭飛疾。波妹弓圓。韓嫣彈去。路人爭拾。歎繁華何處。可憐都付幾聲嗁鳩。

醉蓬萊

夫容山館銷寒第。三集題仇十洲王母醉歸圖。

乍傳言玉女。蕊殿開筵。春回一笑。水瑟雲璈。奏泠泠新調。月姊行觴。麻姑進粍。祝與天齊老。斜盼銀河。吸乾碧海。乾坤都小。宴罷歸來。瓊霞暈頰。珠斗敲肩。看侍兒扶好。勸眼惺忪。怕天雞催曉。料得雙成。聰明絕世。向仙丁傳報。好護圍門。生防今夜。歲星偷到。

瑤臺第一層

賦得吳彩鸞寫韻圖

楊芳燦

寫出蕊珠仙子。展銀光點素豪。嬌鬢低亞。八千韻字。纖指能鈔。靈書留祕笈。想簪華絕世丰標。癡憨甚。從旁覆手。卻笑文簫。蕭條。

傭書生計便神仙也。覺無慘。筆牀塵冷。硯池波涸。情障難銷。上清
論謫久。情青鸞。傳語藍橋。眇三霄。悵眠蠶字滅。跨虎人遙。

翠樓吟

賦得錢驛舉張麗華侍女汲井圖

楊夔生

雲縷涼纖。露盤風嫩。盈盈汲井華水。景陽鐘乍動。早半枕春嬌催
起。層樓結綺。正剗壓紅綃。蕙蘭香氣。新妝麗。玉鞦宛薛。衣沾疏翠。
當日狎客裁詩。更璠牋細擘。幾絲紅淚。斷腸桃葉渡。爭一霎。攔
江千騎。宮槐煙裏。悵玉樹歌闌。銀瓶恨墜。圖畫底。燕支銷盡。殉華
無地。

歸朝歌

賦得錢驛舉文姬歸漢圖

錢廷恨

畫角邊聲愁不起。可惜名姝留異地。珍珠寶馬贖歸來。征衫猶漬

思鄉淚。玉門關乍啓。今宵不信生還矣。試重看、漢家宮闕。還似舊
時未。迴憶燒煙當日事。毳帳高懸斜日墮。刀光紅。偏雪華寒。愁
痕濃。壓眉峯細。劫灰尋故里。胡笳按拍從頭理。只愁他、龜茲聲字。
已雜七弦裏。



詞 夢 蘅

著 塵 郭

衛夢詞

本館據榆園叢刻
本排印初編各叢
書僅有此本

余少喜爲側豔之辭。以花閒爲宗。然未暇工也。中年以往。憂患鈔。則益討沿詞家之源流。藉以陶寫。陋塞。寄託清微。遂有會于南宋諸家之旨。爲之稍多。其於此事。不可謂不涉其籓籬者已。春鳥之啾啾。秋蟲之流喝。自人世之觀。似無足以說耳目者。而蟲鳥之懷。亦自其胸憶閒出。未易輕棄也。爰鈔丙辰以前爲蘅夢詞。丙辰迄今曰浮眉樓詞。各二卷。序而存之。自此以往。息心學道。以治幽憂之疾。其無作可也。嘉慶八年癸亥。頰伽居士郭麐敘。

靈芬館主三十七歲小像



其目無人其心無我與世周旋謂狂
也可規模背時文亦宜然不趨利祿
之跡遂為他人所先至其鉢心揣胃
咀宮舍高穿穴險固窮極豪達
與時賢而相較似有一日之長

靈芬館主人命其弟鳳作并書

序

昔楓江漁父爲詞苑叢談一書。余覽之而惑焉。夫流品別則文體衰。摘句圖而詩學蔽。花庵淫縟。爭價一字之奇。草堂噍殺。矜惜片言之巧。乖道繆典。鮮能通圓。是以耆卿騫融于津門。邦彥厲響于照碧。詞至北宋而一變。石帚玉田理定而摘藻。梅谿竹山情密而引辭。詞至南宋而又一變。若夫吹律風騷。調鐘韶濩。寫纏絲于香草。寄哀豔于紅牙。則又遙原濬波。酌而不竭。婁斤般墨。高下在心。吾友郭子頻伽少習倚聲。長嫻詩教。走馬礮碯塞上。沽酒烏丸城邊。回腸盪氣。搖曳情靈。既而端憂多暇。雜以變徵。蓋蓄隱而意愉。實懷愁而慕思也。頻伽本吳產。年來僑寓魏塘。魏塘爲昔賢歌觴之地。醋坊橋畔。腸斷東山。水磨頭前。情緣白石。近乃取所爲蘅夢。浮眉兩詞。葉而行之。余讀之既。作而靳之曰。東澤綺語。家世番陽。草窗笛譜。淵源歷下。鳩以翦

而語慧。杏必嫁而實繁。豈薄虹亭而心折小長蘆釣師耶。頰伽笑而
不答。遂書之。以弁其端。錢唐友弟陳鴈壽。

重刻靈芬館詞序

國朝詞人。鱗萃羽接。近三百載。傳數十家。諸餘述造。亦云夥矣。仁和許文邁孫先生少習倚聲。夙多藏本。寄驩騷雅。導原於黃華。謝濫激訐。選雋於白紵。付鈔美手。蠶頭剡紙之書。點拍檀牙。鴨嘴吳船之曲。獨於頻伽詞三種癖好之素。若有冥契焉。孫晟之師。島佛畫像壁間。羅威之嗜江東。借名集內。然而棗梨煨燼。劫灰且寒。縑帙畸零。名山無副。將使清平三調。遽絕龜年之傳。摩詰五言。僅有何戡之誦。茲可吁也。不其惜歟。先生驅螽留仙。握蛇詫珞。獨緜緜襲。重付琬鐫。欲取汁一鬻。而餉諸友朋。似被裘千狐。而被之來哲。諸家於蒼。頗遜於花閒。萬口能譌。庶聞於井上。嗟乎。論衡入吳。中郎讀而始顯。元經在蜀。平子測其再興。傳書之難。自昔同慨。矧夫聲律小道。畸窮所爲。託迹既卑。知音益眇。先生斯舉。亦可謂因緣微尚。契會古權。振靈響於既

沈。噓。潛。耀。於。將。滅。者。矣。先。生。曷。者。自。署。靈。芬。私。淑。弟。子。其。所。爲。煮。夢。詞。力。排。纖。仄。獨。造。清。微。靡。不。接。軫。芳。塗。同。源。瑤。峽。儻。編。合。集。如。交。珊。玉。之。柯。獨。抱。遺。書。乃。顯。葫。蘆。之。本。若。夫。昔。之。綴。緝。非。出。一。時。今。之。編。排。仍。依。舊。第。則。蕢。洲。老。去。旣。成。癸。辛。之。書。夢。窗。續。編。始。有。丙。丁。之。集。曼。翁。序。述。未。及。其。全。爾。預。幸。睹。成。書。猥。承。授。簡。號。三。中。於。子。野。媿。無。得。意。之。詞。概。百。影。爲。東。坡。定。有。善。歌。之。士。斯。則。元。晏。舊。序。久。論。價。於。鴻。都。丁。廩。小。文。終。負。慚。於。鼻。續。者。也。光。緒。己。卯。九。月。旣。望。錢。唐。張。預。

蘅夢詞卷一

吳江郭麐祥伯箸

風蝶令

礎入尖風響。鐙留短燄紅。一衾幽夢斷孤鴻。正是可憐時候可憐儂。
鏡約眉痕外。琴聲鬢影中。王昌不合住牆東。贏得傷春傷別恨重。
重。

一翦梅

莫愁生小鬱金堂。鬢點飛黃。機織流黃。曼聲一曲轉清商。塵繞歌梁。
花顛釵梁。洞房對霽頓書倉。一丈紅薺。只隔紅牆。題成錦字少人
將。月自迴廊。人自迴腸。

菩薩蠻

垂簾押放雙金蒜。卷簾腕露雙金釧。細雨溼芭蕉。綠窗人寂寥。好
從簾外走。湘影橫波溜。珠子護雙鴉。兩鬟抹麗花。

又

花幡不禁封姨惱。碧紗窗裏春寒峭。雛燕落風前。嗔人不卷簾。踮
青南陌路。又把佳期誤。寒食杏花天。魂銷似去年。

賣花聲

深院鎖葳蕤。青鳥飛遲。閒將寸紙寫相思。小研墨香銅雀瓦。自畫烏
絲。窗扇耀琉璃。月影迷離。也曾刻燭倚新詞。到得海棠新月上。便
憶當時。

天仙子

小亭開宴梨花白。釵痕衫影湘屏隔。衆中欲避暗中來。仍小立。眼波
瞥。有人見了紅雙頰。

一痕沙

落了梨花香雪。過了荒村寒食。負了去年期。可憐伊。三月已將三十。記得去年今日。今日是何時。沒人知。

菩薩蠻

寒夜

熏鑪灘鶻寒無力。清冰一片紅蕤溼。抱影就燈眠。雁聲寒一天。霜華催曉角。殘夢如煙薄。莫道夢無憑。夢兒還不成。

如夢令

漏水沉沉欲凍。煙鎖玉樓雙鳳。喚起小窗前。窗外花枝搖動。休送。休送。今夜月寒霜重。

疏簾澹月

寒月

澄澄寒水。漸浸入玉階。冷清清地。一個愁人。獨自披衣夜起。小窗瘦影初斜矣。怕難禁。清寒如此。梅花閣下。蘆花簾外。那人睡未。此際遣懷無計。況殘碁隣篴。一時俱至。獨立閑庭。惹起幾番心事。孤鴻弔影霜天裏。驀回頭。月明千里。今宵酒醒。一聲霜角。清愁而已。

釵頭鳳

簷鐵

屏山曲。春眠足。丁冬驚起鴛鴦宿。重簾靜。重闌凭。月明如水。梨花無影。認認認。珍珠箔。秋千索。琤琤攪碎簷前玉。呼人問春來信。鸚哥報道。東風猶緊。聽聽聽。

荷葉杯

兩扇綠窗開了。含笑獨憑闌。羅衫花影兩相照。知道月華寒。

好事近

深院斷無人。拆徧秋千紅索。一桁畫簾開處。在曉涼池閣。潛行行過曲闌干。往事正思著。猶認墮釵聲響。卻梧桐葉落。

天仙子

難得一春常是雨。東皇也解留人住。芻尼何苦報新晴。簾卷處。橫波語。回身且過秋千去。

憶少年

寄徐江庵。

黃花開了。兔花寒峭。霜華滿地。酒徒已星散。況酒邊羅髻。燕去鴉歸人病矣。也無人會此時意。蘆花徧煙水。作雪花飛起。

一痕沙

夢。

雖是無憑無據。還勝不情不緒。萬一得相尋。且兜衾。尋到年時庭

院。又被何人驚斷。鼠觸小屏風也欺儂。

卜算子

簾外雨如煙。柳外花如雪。已是慊慊薄病天。又作去清明節。昔日結如心。今日心如結。心裏重重疊疊愁。愁裏山重疊。

鷓鴣天

虬箭丁丁有所思。纔眠重起故遲遲。燈花如夢人先嬾。霜片無聲衣自知。寒料峭。病支離。闌簾明月一絲絲。小鬟不敢前頭說。又到闌干立盡時。

洞仙歌

贈女冠四九

綠瓊轡上。識雲英仙眷。六六屏風障三面。正黃花開處。青豆房深。重九會。算了又還重算。粧臺試偷覩。寒玉簪煙。十八雙鬟直千萬。真

個宵移家。畫舸五湖。占七十二峯一半。恁三度巫山夢都迷。央充使
魚鱗寄書蓬苑。段威式詩三十
六鱗充使時。

南樓令

憶箭。

銀漢一邊流。珊瑚四寸鉤。小紅簾卷起清幽。貪鞦嬌鬟風露下。忘溜
了。玉搔頭。纖手弄輕柔。新聲曲譜修。笑檀郎欲顧無由。腸斷纖纖
今夜月。照兩地。兩人愁。

珍珠簾

憶竹簾。

愛他橫影參差滿。無人處。月地雲堦輕轉。非雨復非煙。心字香一翦。
挂起。瀟湘天接水。隔眇眇。橫波不斷。人懶。任歸來雙燕也。還不。平管。
絕憶晚涼池閣。那人剛梳洗。黛眉猶淺。自起軸駝鉤。露一雙金劍。

還似曲闌干畔見。夢多少。雨絲風片。人遠。想夜來皓月也還不平卷。

鳳凰臺上憶吹簫

香獸銷煙。雲魚卷彩。空庭簾影深深。正高窗不掩。驚起棲禽。窗外露華如雨。休小立。滴透羅襟。最好是。新涼今夜。教疊香衾。惜惜者遭瘦也。多病最文園。負了琴心。記碧梧桐院。紅蕩花陰。冰骨玉肌無汗。天如水。人墮瑤簪。年時事。沉吟至今。今又沉吟。

醉太平

風淒露清。參斜斗橫。兔華如水回縈。到簾紋自平。三更四更。無情有情。枕函殘夢初醒。有金釵墮聲。

清平樂

水文廣簾。傍墮雙釵燕。花映枕函紅兩靨。羞被小鬟看見。何人驚起蘅蕪。起來手弄荷珠。得伴片時香夢。翻教人羨青奴。

醉太平

竹風韻長。荷風氣香。待他月上迴廊。再圍碁不妨。竹風一窗。荷風半牀。憑肩笑問檀郎。是今涼。昨涼。

一落索

荷葉

三十六陂煙霧。迷藏無數。采蓮人到不驚他。是睡著鴛鴦處。等得紅衣脫去。無風自舞。西窗窗外有芭蕉。似商略。今宵雨。

如夢令

行過重重樓柱。隨意低低窗戶。一樹碧梧桐。垂在小簾深處。小簾深處。簾外數聲殘雨。

清平樂

流鶯聲巧。春事江南早。心上愁如池上草。不覺不知生了。江南芳

草先生。江南行客先行。歲歲年年遊子。風風雨雨清明。

好事近

一月不曾晴。早晚鶉鴉啼急。剛是繇衣換了。卻輕寒惻惻。年年羈旅送生涯。遮莫又寒食。試向雨聲多處。問杏花消息。

蝶戀花

垂絲海棠。

山桃落盡醪醑早。積雨初晴。紅入紗窗曉。睡起美人潮暈小。笑渠一樣鬢欹倒。病酒心情寒料峭。醒眼看人。醉眼看花好。人不茗芋花定笑。試然絳蠟花間照。

念奴嬌

晝長人悄。正深深、一桁棗花齊揭。甲煎沈香手自熨。心字欲燒先結。十里春風。一聲杜宇。三月楊枝雪。酒邊人遠。酒邊事向誰說。誰念

作客天涯。寒氈茸帽。又落花時節。金盡牀頭酒價少。卻恨莫寒猶力。燕子飛來。斜陽何限。江上山重疊。蠟花情重。夜來遞淚如昔。

風蝶令

疏雨重簾卷。生香斗帳熏。夜涼長簟易相親。只有水精曾枕墮釵人。籠鳥多羈思。驚猿易感羣。當年聽雨未銷魂。贏得而今各自夜深聞。

浣溪沙

兩葉眉兒晚黛低。兩頭月子畫樓西。兩重心字小蘋衣。永夜雙星人獨立。半年小別夢單棲。斷無人處學含啼。

點絳脣

用夢窗韻。

雀舫青簾。放船最好葑門路。藕花香處。涼露多如雨。既是吳儂。只

合吳城住。君休誤。玉環人去。錦瑟華年暮。

鳳凰臺上憶吹簫

題姚棲霞女史翦愁吟。同朱鐵門作。

銀燭筵前。鐵簫庵裏。酒闌客正慙憂。出一編相示。絲格銀鉤。真是閒
愁萬斛。問恁地翦得。卿愁。分明是。芳心灰盡。紅淚還流。仙遊。一聲
鶴唳。恐玉宇高寒。露冷風秋。悵不逢簫史。空怨秦樓。便是殘香賸粉。
人間世。不合長留。宵深也。吹寒角聲。又滿城頭。棲霞游仙詩。卻笑樓
頭秦弄玉。肯攜簫史。

共乘鸞。臨終詩。冷夢未成。
鐙自滅。疏鐘盡。角一聲聲。

菩薩蠻

花朝飲袁湘湄秋水池堂。

薄寒細雨城南陌。去年今日花朝節。楊柳一絲絲。河橋人去時。去
年春在否。今日花朝酒。楊柳又依依。河橋未別離。

惜分釵

芙蓉衩。青驄馬。明蟬秀鬢人如畫。傍香奩。頓書籤。樓上新眉。樓外新蟾。纖纖。綵鸞跨。蘭香嫁。重來人到重樓下。淚痕添。粉痕漸。滿院楊花。一桁疏簾。慫慫。

憶蘿月

雨斜風細。沈坐春寒裏。一樹小梅花謝矣。又是落鐙天氣。閒中獨自支頤。暗中苦自尋思。驀地有人看見。低頭兜上鞋兒。

酷相思

乍是新正春未透。早門外、絲絲柳。柰脈脈、深情渾未逗。人見也、回頭走。儂見也、回頭走。有分逡巡雙勸酒。小語更闌後。問別後、蘭橈何日又。人去也、書來否。書到也、人來否。

菩薩蠻

自題小影。

銀河隔得紅牆住。生綃留得紅顏駐。仰首問常娥。年年秋柰何。闌
干十二曲。弱水三千綠。獸自莫思量。思量人斷腸。

蝶戀花

花宮小院。得斷簾於壁。月鬢風鬟。髻髯未損。上書愛月夜
眠遲。某月日。清環寫字跡。妍媚可念。爰作詞以紀之。

青豆房中花似露。圖畫春風。零落蝸涎蛀。不是深閨留絹素。調鉛肯
把芳名注。相逢亦有前緣否。花不知名也。合殷勤護。鵲尾金鑪香
一炷。夜深蘅夢樓深處。

沁園春

唾。

金屋阿嬌。霧縠九天。明珠颺風。記越梅如豆。華池先曠。石華成紺。廣

袖偏工。慢臉輕偎。香痕偶著。欲拭還愁。惱個儂。幽懽遂。又何須銀液。始鎮心忪。私書寫就。怱怱愛猶帶。脂香著意封。正瓊簫吹徹。印留一縷。玉栢餘潤。飲過三鍾。巧溼文窗。戲塗粉蝶。易褪櫻桃小。注紅重簾下。惹檀郎驚認。笑是殘絨。

金縷曲

鴛鴦湖秋感。

曉起西風冷。挂輕帆、孩兒橋下。謝孃門徑。落日鴛鴦湖上過。衰柳條條牽恨。問何不、當初折盡。岸草汀蒲都不見。但蘆花、蕭瑟風淒緊。橫一葉、釣魚艇。春人只把春愁省。誰管他、荒荒落照。疏疏雁影。去是春初來秋九。兩袖啼痕重印。只湖水、清流如鏡。鏡裏粧樓金翠換。況樓中、桂葉明蟬鬢。除漚鷺、沒人問。

清平樂

小桃如綺。命短東風裏。薄薄輕寒人半臂。且把簾兒垂地。春人如許年華。春閨幾幅窗紗。又是一番寒食。不知多少飛花。

賣花聲

十二玉闌干。六曲屏山。留春不住送春還。昨夜梨花今夜雨。多分闌珊。春夢太無端。到好先殘。袂衣初換又添絲。只是別來珍重意。不爲春寒。

壽樓春

看簾紋波橫。又日華花影。移上簾旌。正是連宵絲雨。曉來新晴。誰喚我。柔魂驚。是隔窗春風流鶯。柰繡被香溫。羅幃寒峭。推道殢春醒。當時在芙蓉城。有芳年小小。低語卿卿。無柰朝雲如夢。落花無聲。容易別。難爲情。只淚痕依然分明。問碧海青天。銀河有誰吹玉笙。

高陽臺

過流虹橋感葉元禮事。

兩岸緋桃。一灣綠水。斷橋猶說流虹。舊事無端。牽人舊恨重重。多情只合相思死。更何須眉語曾通。太匆匆。春盡飛花。淚盡啼紅。高樓當日知何處。想房櫳宛轉。窗戶玲瓏。天遠瑤姬。彩雲去也無蹤。人間我亦傷心史。似流鶯只哭春風。小橋東。新月天邊。依舊如弓。

卜算子

題王朗亭半舫齋。

蠡殼短窗兒。斑竹疏簾子。絕似春江桃葉舟。細雨溟濛裏。安把木蘭橈。便好浮家去。少個低低小舵樓。少個人雙髻。

柳梢青

被冷香溫。自攜銀燭掩上重門。隔院啼雅。上簾斜月。又是黃昏。羅襟別淚猶存。有一半香痕酒痕。心字叢殘。酒人零落。直得銷魂。

祝英臺近

和龍劍庵韻

小屏山。雙畫燭。寂寞舊時事。過盡春光。尺素未曾寄。試看樓外垂楊。飛花飛絮。憔悴甚。樹猶如此。輕相棄。惟有六扇樓窗。曾同那人倚。煙鎖重樓。人更可知矣。料應一點寒鐙。一鉤斜月。今夜裏。照伊無睡。

玉樓春

重重簾幙誰家院。東去伯勞西去燕。卻教相別一相逢。只許相思不相見。青絲絡馬香羅薦。別後音書和夢斷。黃昏怪底不勝寒。零落梨花如雪片。

金縷曲

題史赤霞翡翠巢詞。卽用集中論宋詞韻。

戲馬臺邊柳。送征人。滿城風雨。歸來重九。除卻新詞無長物。贏得千

金宮帶。問辛柳。一錢直不。尚有梅谿眞同調。也十年。空費屠龍手。長
只是。征鞍驟。閒滋九畹。三秀。度新腔。偷聲入破。嚴分細剖。天與
豔情無豔福。那得笛牀歌袖。但伴我。秋燈如豆。先向朋箋書左券。到
相逢。一笑休開口。歌一闋。一杯酒。

清平樂

秦淮感舊

露臺水榭。天與初涼夜。霧鬢風鬟人去也。面面疎簾都下。去來苦
恨匆匆。相思那得相逢。變盡舊時楊柳。秦淮一夜秋風。

如夢令

衣上微霜浙浙。門外輕寒側側。和淚出門時。又是月高時節。小立。小
立。聽得一聲將息。

蝶戀花

鹿城半園有女郎以簪畫壁作一絕云。月底纖纖扶婢來。梨花如雪點蒼苔。紅蠶辛苦愁絲盡。誰把同功蠶擘開。後書一毗字。意欲題名而未及者。作詞其後。亦無使其無傳焉。

青粉牆頭苔沒砌。誰拔金釵。畫破春痕細。羅襪纖纖來月底。有心人。識相思字。天遠彩雲飛去矣。卿自何來。有個芳名未。料得欲題還又止。當時直恁慊慊地。

喝火令

題許校書清露瑤臺圖。

鶴背吹笙下。橋頭步履通。雲鬟霧鬢太玲瓏。只恐五銖衣薄。曉起不禁風。好夢渾難覓。重遊未易逢。鬱金堂北畫樓東。記得樓頭一樹碧梧桐。記得碧梧桐外。兩度月如弓。

鵲橋仙

杏花風裏。梧桐鄉外。七尺燕梢齊播。玉人春病幾多時。直似此、鬟偏
髻妥。員冰輕響。寶釵暗墮。知是曉來梳裹。有緣也算比肩人。只隔
箇、船兒同坐。

清平樂

河橋楊柳。待我開飄久。三疊歌聲將進酒。忘了明朝分手。書窗六
幅輕紗。東風一樹梨花。只有去年春到。去年人到天涯。

鎖窗寒

用片玉詞韻。

蛛網黏花。蝸涎篆榻。那人窗戶。輕紗六幅。閉了一春風雨。記當時、欲
行未行。夜柳昵昵聞私語。又誰知此度。殘衫茸帽。重來羈旅。薄莫。
繫船處。正楊柳腰身。女兒十五。三眠三起。送盡燕儔鷺侶。問別來、如

許長條。飄零似我還記不。傍東偏、一樹梨雲。見舊時尊俎。

清平樂

秦淮後感舊。

燕兒傳語。人在西湖住。蘇小墳前芳草路。日日輕寒輕雨。秦淮望
斷香車。誰知又到天涯。總是東風無定。如何只怨飛花。

夢芙蓉

題延嘯厓姬人小照。

秋江江上樹。向芳塘移種。最深深處。竝蒂連枝雙影。照秋水石家渾
漫與。仙城元有人主。六曲闌干。是屨廊香徑。非是浣紗路。誰滴湘
江清露。殺粉調鉛。寫出名花譜。紅橋流水。初過夜來雨。畫屏深幾許。
想應簾幙無數。珍重輕綃。有小脣秀靨。當面看題句。

清平樂

紅袖添香夜讀書圖

丁丁蓮漏。篆縷銷香獸。心字漸微蟲蠟瘦。催得冬郎詩就。人閒良夜迢迢。勸郎書卷須拋。只有一枝紅燭。休教負了春宵。

暗香

水仙花

娟娟楚楚。正春人小極。芳心初吐。斐几紙窗。不受人間好風露。除是梅兄攀弟。還配得。凡人漢女。又那得。如此清寒。明媚又如許。庭宇最深處。有十二畫屏。曲曲低護。舊時記取。到此花開送人去。花信今年太晚。風又雨。輕寒重作。過了。落鐙節候。有人怨不。

蘅夢詞卷二

清平樂

題金陵女子柳花詞卷。

紅絲小研。小試齊紈扇。第一休嫌才地軟。人與柳枝同倦。
謝家最擅才華。如何只詠楊花。怪底兒家夫婿。年年漂泊天涯。

浣溪沙

馬湘蘭蘭竹便面。

澹墨傾欹落扇頭。紅蘭葉葉竹脩脩。紅粧季布儘風流。
今日誰憐王伯毅。後來尙有顧眉樓。爲伊惆悵寫銀鉤。

南樓令

盧竹圃小影。

秋鬢也蕭蕭。秋庭夜寂寥。異鄉秋景最無膠。誰畫可憐人獨自。又畫
出。可憐宵。何處作生朝。揚州紅板橋。有當年。公子風標。惜少吹簫
人並坐。判我見。又魂銷。

蝶戀花

高竹筠小影。

黃昏不下葳蕤鎖。簾幙中間。沈水微微火。銀燭傍人人傍我。迢迢良
夜銷磨過。聽我狂言君計左。有個人兒。切莫攤書坐。明月漸西花
漸妥。鐙殘香地如何可。

菩薩蠻

窗外秋蟲飛不去。窗前秋色留將住。庭院是誰家。滿庭洗手花。露
光團作雨。總是秋深處。可惜玉簪開。沒人斜戴來。

滿江紅

晚泊秦郵。默禱露筋祠下。倘乞順風。當以平韻滿江紅爲壽。如白石生故事。遲明解纜。旗脚已轉。敬酬一闋。

十度秦郵。曾未展。叢祠瓣香。剛又是。水楊柳下。輕船繫將。盡日靈風。人不見。開門白水。本無郎。是誰家燈火。送迎神。歌九章。東方動。驚曙光。篙師起。理檝忙。見相風烏轉。將飛未翔。去得順風來。順水。聰明元是舊心腸。想冷然一路響珊珊。明月璫。

清平樂

春陰如霧。又著重簾護。夢到當時郎別處。隱隱數聲柔艫。起來滿院斜陽。倚闌一倍悵悵。走撲一雙蝴蝶。知他直甚心腸。

點絳脣

月函女史爲作草蟲扇頭。

殺粉調鉛。病中寫出秋來意。一絲風裏。紅蓼花扶起。草草花花。添

個蟲蟲媚。天如水。露華珠綴。又溼當風袂。

滿江紅

呈座客。用湘湄風雨對牀圖韻。

雪白鐙紅。當酒半。忽跳而起。不痛飲。有如此酒。有如此水。留客酒難
頻夜滿。分湖水。送離人。幾算人生不合作同心。同鄉里。浮蠹綠。釭
花喜。朋與舊。兄和弟。便沈沈。春酌不能已。已。病起尙存兒女態。醉來
稍有英雄氣。得故人。滿眼酒盈尊。吾狂矣。

菩薩蠻

輕陰漠漠昏如霧。入春便有廉纖雨。遮莫試鐙前。雪花飛一天。疎
梅三四點。莫是春猶淺。走近小闌干。問他寒不寒。

買陂塘

題黃小松秋影庵圖。用江玉屏韻。

問詞人馬塍遺跡。可餘花木深秀。小紅嫁後青春老。賸有蕭疎秋柳。
宮一晦。讓黃九風流。開拓蜂房牖。歸田若後。怕老去悲秋。重來照影。
水面似人皺。武林路。約賃梁鴻杵白。野航三兩能受。他時定遂移
家願。莫遣白雲封守。都似舊。只鳴脚。黃邊添縛香茅否。來居客右。當
集古編成。秋聲賦就。斗酒也須有。

卜算子

寒食出遊

一隻小瓜皮。兩岸垂楊樹。指點停船宛轉橋。曲曲彎彎處。
定不留
春住。那不愁春去。過了今年三月三。又幾點清明雨。

醜奴兒令

五三六點微微雨。開了梨花。謝了梅花。纔拓濛濛一面紗。
玉堦獨
立思閒事。花在鄰家。吹落儂家。今日東風較大些。

月華清

詠丁香花

碎翦鮫綃。輕含雞舌。繡英枝綴如霰。百結芳心。慣向春風凌亂。算江南、花信更番。誰似此、香生色淺。幽怨共芭蕉卷處。一齊斜暈。可惜雨香雲澹。少月影半窗。照伊清婉。丁字簾前。有個丁香嬌。想春衫、繡上重重。怕寬了、舊時腰襖。簾卷。又惺忪碎影。小庭篩滿。

行香子

薄遊袁江。同人爲設伊蒲供於青龍菴。菴主爲其女孫名霞者乞字於余。呼令出見。曇花一見。妙香四聞。迦陵其音。舍利始弗未足方斯相好也。爰舉明如爲贈。并貽以詞。

青豆房邊。紅豆庭前。仙人子、生小嬋娟。問伊名字。合在瑤天。是花非花。霧非霧。亦非煙。綺樣芳年。佩結飛仙。佛頭青、雲葉披肩。似聞我

佛爲說因緣。要十年心。雙鴉髻。五湖船。

菩薩鬘

水田百衲雲如葉。薄羅翦出重重疊。生小不知愁。眼波先自秋。雨
過雲不定。小語防人聽。燒了夜香麼。昨宵涼露多。

醉太平

暉月仙夫人桃花扇面。

深紅一林。淺紅一簪。枝枝淺淺深深。是春風小心。寒漿細斟。清溪
獨吟。憑他如墨春陰。有前時路尋。

十二時

湘湄爲周校書畫桐屋夜寒扇面。同賦一詞。

秋宵燈火。秋衾魂夢。秋孃庭院。旁人那知得。說秋風團扇。流水小
橋清且淺。比銀河。算來還遠。思量一年事。只張星曾見。

謂張校書

又

同湘湄夜坐。

疎窗四面。秋霖一陣。愁人兩個。天涯已腸斷。況離情無那。桐葉初肥。蕉葉大。說淒涼也。無人和。今宵尙相對。怕來宵燈火。

菩薩蠻

湘湄索詞。繡帕爲賦。

鵝黃淺色揉蘭膩。唾尖絨舌愁滋味。破體作游絲。墨花如折枝。當年春雨句。和淚歸何處。但解說歸來。杏花春自開。當

水龍吟

詠霞。用張蛻巖賦倩雲詞韻。

生來不學行雲。依稀似散依然聚。分明瞥見。赤城初起。又還飛去。野鷺孤時。澄江靜處。天寒日暮。望高城不見。丹樓漸隱。又何況。彩鸞駐。

說與仙人子道。要留他。罡風相護。不知天上。者般顏色。曾經幾度。秀便思餐。散還成綺。非花非霧。怕朝來一縷。出門難覓。作廉纖雨。

齊天樂

荻莊秋荷

翠匳一境平如拭。數枝點綴秋意。衣褪輕紅。佩翻重碧。又是一番梳洗。涼蟾初起。怕熠見盈盈。玉壺清淚。風急雲輕。露華漸重瀉鉛水。鬧紅舊事誰省。有斜陽一舸。雲葉雙髻。螢火光寒。蜻蜓翼斷。催老鴛鴦身世。煙波無際。且凍釀頻傾。曲闌峭倚。寄語閒漚。柰厭厭宿醉。

河傳

春早。將曉。夢魂驚。落月殷勤早鷺。綠窗曙光愁欲明。輕輕。枕函釵一聲。一段綠雲扶未起。香不已。轉側隨郎臂。莫投懷。且兜鞵。慵來。斷紅紅上顚。

南樓令

題春人縮髻圖

春夢暈潮霞。春風褪臂紗。緩春愁、盤好雙雅。溜了金釵，佯不省、問開
否。碧桃花。鏡檻者般斜。新妝略似他。只脩眉、人在天涯。尙著薄羅
衫一件。簾又卷。太寒些。

菩薩蠻

一燈紅貼攏璣地。諸郎蠟鳳中堂戲。獨自下階來。玉梅開未開。誰
移紅燭照。聽見人雙笑。直得小迴身。影兒如一人。

又

新桐院落惜惜地。斷無人到陰天氣。手切綠沈瓜。一重方空紗。藕
花開一半。紅影搖人面。只解遶闌行。隔簾聞笑聲。

惜分釵

有見。

雙枝漿。分流響。一江春水如天上。最風流。最嬌柔。貪看鴛鴦。忘了回頭。羞羞。花惆悵。人模樣。个儂未必全無恙。說前游。莫閑愁。山外青山。樓外高樓。休。休。

菩薩蠻

金蟾齧鎖金梯滑。一重門外銀河闊。猶恐未魂銷。夜深聞剪刀。朝來粧未就。見了佯回首。回首莫嫣然。鏡中雙靨圓。

又

夜深一口紅霞膩。唾尖甜舌殘絨細。不肯繡鴛鴦。枝枝秋海棠。吳絲裝裱復。卻繡鴛鴦宿。荷葉小於錢。要郎知可憐。

又

清霜微白黃花瓦。全家上冢逢秋社。特地教人知。紗窗鐙上時。蘭

姨智瓊姊。略識人間事。送與蹙羅裳。一雙金鳳凰。

又

五湖船小才如葉。團團竝坐翻欹側。愁水又愁風。袖邊香唾紅。如
何還倚醉。壓著儂裙睡。當面且由他。阿孃顏色和。

又

嫩晴天氣春陽動。鶯喉微澀歌珠痛。蹙損小眉痕。羹湯未入唇。刀
圭分一裹。莫點吳鹽可。只說是梅花。賺伊肯嚙他。

又

獨兒撼得人人起。枕函一片朝雲墜。慢臉笑投懷。夜來難出來。迷
藏何處捉。人語闌干角。莫道沒人知。被痕紅半池。

又

杜蘭四歲來人世。飛瓊不肯留名字。略說與排行。雪花蒼蔔香。近

來海水淺。尚有樓三面。煙雨莫登樓。樓頭無限愁。

生查子

金雁畫橋南。碧玉人家小。種得碧桃花。昨夜先開了。不恨不知愁。只恨無人曉。念得阿郎詩。句句能顛倒。

南鄉子

折枝蕙草。

庭院轉光風。不省簾前開幾叢。只向謝娘頭上見。一翦。攏鬢玉釵顏。色淺。

梅花引

虎山尋夢圖。爲陳竹士作。

岫如螺。水如羅。曾共鷺鴻照影過。步凌波。步凌波。只問梅花。別來相見麼。此中或有魂來去。茫茫不辨梨雲路。落花多。落花多。一路荒

山月明寒奈何。

洞仙歌

有紀。

華燈弄影。照華堂如水。羅襪雙鉤見纖麗。傍中門低處。半曳霓裳。聽
佩響。又轉曲屏風底。星橋元不隔。一寸銀河。眼底千金露深意。便
算比肩人。香逼春衣。渾未省。衆中迴避。也忒倚嬌憨。阿娘憐。想全不
周防。个儂年紀。

菩薩蠻

雲堦月地春寒淺。迴廊曲徑穿行徧。微雨乍晴時。小桃三兩枝。東
風吹不定。小點雲鬟影。掩斂越羅裳。禁他特地香。

又

嬉春女伴嫌春早。乍晴時候游人少。喜未坼輕絲。晚風一陣寒。玉

梅花下立。點得春衣白。小妹笑人癡。滿身蝴蝶兒。

清平樂

小山窠石。徑窄衣香接。穿過長廊無氣力。坐定雲鬟微側。重來不走長廊。花間難捉迷藏。驀地一雙蝴蝶。等閒飛上羅裳。

河傳

香徑。人影。驀來前。桃葉桃根竝肩。秋波欲流低髻偏。仙仙。一雙人可憐。窄地鴉黃裙色淺。尋不見。小立花枝顫。晚來風。忒匆匆。行踪。落花埋一重。

百字令

幢幢燈影。是曾經、照過幾番元夜。火樹銀花剛一瞥。已是暗風飄也。剪紙心情。鬧蛾身世。過了今生也。人間天上。柳梢蘭月初挂。難忘中酒時光。燒燈院落。有個人如畫。衣上峭寒。簾外雪小。坐早梅花下。

碧海星沈。紅心草宿。說甚淒涼話。春衫依舊。淚痕重疊。盈把。

點絳脣

酒綠燈紅。座中有个飛瓊許。弦將手語。幾陣梨花雨。長定相逢。還解相思否。臨當去。橫波一注。也直三年住。

齊天樂

金銀花。

亂紅都逐流波卷。庭院翠陰成幄。麝眼籬方。鷺絲藤細。低冑曉涼池閣。薔薇花落。做夏首心情。春餘題日。裊裊柔條。又牽香夢到簾角。朝來風露猶重。有人初睡起。羅袖寒薄。葉底心知。花頭眼見。小摘冷香疎萼。熱嫌魚玉。又滿把蒸成。露珠如粟。配點雲龍。竹鑪湯正熟。

賣花聲

題畫扇。

霜。舊夢莫思量。滿鏡眉長。水精簾下有微涼。喚作春人渾不似。莫是秋娘。

乳燕飛

和湘湄作寄伯生。

誰賦銷魂句。向天涯、吹花嚼蕊。僝風慙雨。我是江南賀梅子。莫問閒愁幾許。空記得、別離情緒。人自漂零天不管。但昏昏、薄霧悵悵。肯爲我、寄愁去。征車同出春明路。有當時、風懷酒膽。未諳別苦。細馬馱來人二八。醉裏憑肩低語。笑判取、千金贖汝。一別故人難見面。況鶯鶯、燕燕知何處。只此意、向誰訴。

洞仙歌

爲吳珊珊夫人題扇。

繡襦甲帳。有當年珍偶。跨虎重來事依舊。向櫻桃湖上。寫韻軒開。平視慣。也爲洛神低首。人間與天上。何限佳人。脩竹蕭蕭倚寒袖。福慧此應無。螢火詩成。定小試。畫羅纖手。問何不當初。畫乘鸞。想霧鬢風鬟。見時還又。夫人詠螢云。月黑移來星一點。風高扶上閣三層。

高陽臺

鈴索判花。遊絲罨絮。送春淚滿輕綃。不見春歸。流波一夜迢迢。明珠十斛何人手。向章臺折取柔條。可憐宵。蠟照紅嗁。明鏡紅潮。傳來語最魂銷。自說天桃命短。怕落花朝。重囀春鷲。知他何處樓高。三生杜牧關何事。爲曾經掌拓纖腰。好無聊。四月時光。雨又瀟瀟。

賣花聲

秋水淡盈盈。秋雨初晴。月華洗出太分明。照見舊時人立處。曲曲圍屏。風露浩無聲。衣薄涼生。與誰人說此時情。簾幙幾重窗幾扇。說

也零星。

菩薩蠻

北固題壁。

青天欲放江流去。青山欲截江流住。儂也替江愁。山山不斷頭。片帆如鳥落。江住儂船泊。畢竟笑山孤。能留儂住無。

唐多令

題畫仕女。

深院玉梅天。春風錦瑟年。似驚鴻、留影翩然。手擘薛濤牋一幅。怕遺墨。澹如煙。一枕小遊仙。三生小比肩。有揚州、舊夢誰圓。問是夢中曾見麼。笑已是。十年前。

疎影

題素娟錄事畫扇。

春愁滿紙。看微雲澹月。夜寒如水。記得前宵。葉葉輕衫。同在曲闌干底。素娥要鬥嬋娟影。笑一樹海棠濃睡。得知他畫作乘鸞。直恁冷清清地。料想閒宵弄筆。怕紛紅駭綠。無此幽致。朱鳥窗前。殺粉調鉛。自滴方諸清淚。懷中一墮三生夢。又碧海青天無際。能禁他幾徧團圓。老卻畫中人矣。

漁父詞

有紀。

四角紅羅窄地垂。銀鉤不動篆煙微。燈澹澹。月絲絲。笑問郎來是幾時。

好事近

題何夢華西湖買春卷。

何處好尋春。春在段家橋側。試看門前流水。有桃花顏色。鏡中照

出四圍山。眉黛一時碧。笑指漿牙相趁。盡鴛鴦雛鷺。

百字令

書戴竹友綠花詞後。

雁飛汾水。只人間、李嶠是真才子。解作江南腸斷句。一卷烏絲闌紙。

野艸花開。池蓮粉墜。宛轉能含思。集中野花白蓮二詞尤工。從君貰酒。旗亭應有

人記。最難俊侶如雲。風懷如月。更華年如綺。同學少年皆匿笑。春

水干卿何事。鬲指聲微。么弦調苦。作者今無幾。他時按曲。花間更喚

延已。謂馮生玉如。

女冠子

贈雙脩庵女尼韻香。一號清微。

清宵更永。微月度雲無影。踴蒼苔。試問三生事。誰脩雙笑來。房深

香似霧。人澹韻如梅。記取闌干外。玉簪開。



浮眉樓詞

郭麐著

本館據榆園叢刻
本排印初編各叢
書僅有此本

浮眉樓詞卷一

吳江郭麐祥伯著 仁和許增邁孫刊

天香

花露

炊玉成煙。揉春作水。落紅滿地如掃。百末香濃。三霄夜冷。無數花魂
招到。仙人掌上。迸鉛水。銅槃多少。空惹蠶王惆悵。未輸蜜脾風調。
謝娘理粧趁曉。面初勻。粉光融了。試手擘牋重盥。薔薇尤好。卻笑文
園病渴。似飲露。秋蟬便能飽。待鬪新茶。聽湯未老。

附前調

尤維熊 二 娛

候火安爐。量沙布甌。蒸成芳液盈上。涼心荷筩。冷淘槐葉。輸與山
僧佳製。餅罌分餉。傾一滴。便消殘醉。卻笑辛勤蠶釀。祇供蜜殊留

嗜。試調井華新水。面纔勻。掃眉還未。慣共粉奩脂盞。上伊纖指。
向晚粧臺一餉。又融入。犀梳攏雙髻。夢醒餘香。綠鬟猶膩。

齊天樂

塔鈴

四禪天上天風小。偶然吹墮仙響。宰堵波高。金銀鏘動。雨歇實繩微漾。雲思霞想。在謾謾松閒。星星鐘上。驚起栖禽。飛來還向相輪傍。
三更歌管都罷。只郎當九子。似話惆悵。步履廊空。吹簫客去。自發人天高唱。舊遊無恙。認放鴿庭陰。護花窗網。小立斜陽。隔牆聞梵放。

前調

尤維熊

人天籟寂煙霄暝。千花法輪常轉。九子齊鳴。一鈴獨語。錯落聲如珠貫。石壇花院。有一陣松飈。高低吹亂。除是澄公。秀支劬禿。摠能辨。空廊有客孤寄。向燈昏獨聽。似近還遠。月下檐牙。雨邊驛路。

無此惺忪悽婉。粥魚茶板。只面壁僧枯。聞根先斷。一任山椒。天風搖夜半。

摸魚兒

盪湖船

一篷兒。花天酒地。消磨風月如許。吳娃生長吳船上。只共鴛鴦爲侶。船六柱。從不識愁風。愁水天涯路。輕橈容與。問兩寺東西。半塘前後。商略泊何處。江南好。不在中流簫鼓。牽人好夢無數。十年水驛風鐙夜。負了畫船聽雨。臨別語。怕紙醉金迷。忘卻秋孃渡。重來記取。有澹澹窗紗。疏疏簾影。隱隱數聲鷓。

前調

尤維熊

正江南。尊絲風軟。波光七里吹皺。移來花月青簾瓦。滿載玉缸春酒。繇華藪。將蠡殼窗兒。徧換明珠繡。停橈渡口。認斟酌橋頭。紅闌

低映。幾樹水楊柳。恰相對。一點遙青橫岫。柁樓人更明。秀鬢
細搗吳鹽灑。更倩調冰雪。滿勞纖手。看送了。舣船暗。拓鞵尖瘦。明
燈地後。纔緩櫂歸來。高城一角。斜月下。蓮漏。

水龍吟

吳歌

摩訶池上歌殘。一聲何處悠揚起。將連忽斷。似無還有。月明風細。月
子彎彎。花開緩緩。一般情思。算篷家不是。漁家不是。問莫是。劉三妹。
子夜四時堪儼。變新聲。我儂歡喜。扁舟夜泊。人家兩岸。聽風聽水。
白葛單衣。蒲葵小扇。新涼天氣。又前溪柔艣。嘔啞說是。釣船歸矣。

前調

尤維熊

五湖天水空濛。一枝柔櫓衝煙破。聲聲斷續。三高祠下。垂虹亭左。
棹入前溪。三三兩兩。菱歌相和。正員沙清淺。鳧飛拍拍。笑脫下。紅

帶裏。最是曉風殘月。牘微茫。一星漁火。遙聞斷港。纔從浦轉。又穿橋過。水國陰晴。江鄉兒女。儘伊煩惱。怕驚他孤客。蓬窗夢醒。又還重作。去聲

桂枝香

蕉扇

誰裁花骨。怕新裂齊紈。無此圓潔。想見黃昏。雨足綠天雲割。憐他不入人懷袖。卻生成。也無員闕。紫蕉衫底。白荷花下。晚風香辣。話昔日山塘土物。同菡席湘筠。一樣清絕。七寶修成。不是舊時明月。舊時舊事何人記。有冷螢。空堦明滅。最難忘處。羅帳雙笑。一鐙初殺。山塘賣扇。以選葉爲工。近皆飾以金繡。失當時之意矣。

前調

尤維熊

裁雲滿把。憶小院綠天。密雨初灑。誰仿謝家新製。市頭論價。紅麴

一抹剛遮映。握春萸晚粧纔卸。庭軒露坐。乍停還拂。流螢將下。
記女伴穿鍼閒話。有花骨畝斜。密字偷寫。便肯從人方便。也休輕
借。六月不借扇。吳中諺也。輕容不放秋蚊入。向舊幃深處低挂。挑笙如水。暫
教閒卻嫩涼今夜。

右武邱樂府五首。結夏僧房。端居無侶。輒仿南宋人樂府補題
之製。譜山中風物。希同調者繼聲焉。二娛尤君首先見和。其詞
尤工。用同著於篇。小吳軒行館書。

臺城路

同嚴丈歷亭游舒氏園作

薄陰不散霜飛早。園林深貯秋意。水木清蒼。陂陁高下。澹與暮雲無
際。紅泥亭子。占一角孤城。七分煙水。最愛疏疏竹竿。萬个滴寒翠。

年來俊侶都散。便登山臨水。只恁顛顛。倦柳攀條。清流照鬢。暗老悲

秋身世。荒寒如此。又畫角聲中。夕陽垂地。樹樹西風。暮雅寒不起。

翠樓吟

山行幽絕。臨水數家。門外木芙蓉正花。爛漫無次。殊愜幽情。紀以此詞。

濕翠霑衣。暗苔粘屐。幽尋最愛清曉。峰回剛路轉。恰對面。數峰清峭。似儂曾到。只三兩人家。看來都好。柴門小。芙蓉無數。一時紅了。誰料。隨意閒行。有芳塘花鴨。徐熙畫稿。水邊同照影。定見我。風前側帽。也應含笑。怕青烏丁甯。玉容易老。尋芳早。向人山色。一眉新掃。

望湘人

用穀人先生韻

漸蕭蕭瑟瑟。冷冷清清。客懷如許。淒戀。衰柳翻鴉。枯荷鬧雨。子夜怨歌先變。鏡裏霜寒。鏡前人瘦。眉邊山遠。儘哀弦。一曲思歸。飛起十三

箏雁。數盡更更點點。把孤衾斷夢。一宵尋徧。只文鴛繡枕。記得舊時曾薦。酒痕濃澹。淚痕重疊。濕了小蠻鍼線。問何日、纖手親攜。笑勸芳尊須滿。

柳色黃

西湖秋柳用穀人先生秋柳詞韻

西子湖頭。歸路繫船。暮色催鬢。疎疎漏出斜陽。便做秋來詩意。春人老去。想見油壁車歸。銷磨帶帶同心字。有一陣西風。添一分顛顛。還擬東風舊院。北苑新圖。南朝蕭寺。幾點昏雅。小坐蒼煙叢裏。荷花挂子。分將一鏡新愁。照他鬢影清無底。縱有浣紗人。挽纖腰不起。

江城梅花引

一重方空一重紗。采蓮花。采菱花。愛住吳船。生小號吳娃。牆內紅樓樓外水。有明月。照鴛鴦。宿那家。那家。那家。在天涯。雨又斜。雲又遮。

聽也聽也。聽不到。一曲琵琶。漸漸西風。秋柳不藏雅。欲倩西風吹夢去。還只恐。夢魂中。太遠些。

滿庭芳

扇月投懷。衣香分袂。箇儂道是無愁。采蓮歸去。佯醉臥笠篔。攜取屏山六六。繩河外。殘雨初收。良期近。一天風露。無睡待牽牛。句留能幾日。有門前流水。催上蘭舟。漸蘭舟不見。野水空流。欲寄銀鈎小字。趁征鴻。飛過樓頭。沈吟徧。又愁別後。不上小紅樓。

天香

粉

擣麝成塵。調鉛作雪。秦樓一轉初試。露下芙蓉。雨餘篔竹。滿鏡六朝春思。仙人掌上。先染了。葱根纖指。繡領乍溼餘香。金盆緩傾殘水。侵晨宿粧紅膩。拂湖絲。掃眉還未。殘夢關心蝴蝶。欲乾雙翅。不信比

來下淚。問玉頰、成痕爲何事。索寫丹青。賸來有幾。

摸魚兒

茨茹

買陂塘。兩邊添種。高荷大芋相似。生成葉葉雙岐樣。合傍谿流燕尾。
江上水。記送別西灣。話到年時事。故人歸未。正軟柄欹風。低枝鬧雨。
一碧亂無次。江鄉好。隨意蒔絲菰米。食單多在水際。雞頭菱角堆
槃後。草草田園風味。渾不記。合付與、廚爨略下些鹽豉。旗亭小市。共
山栗燔餘。村醪熟後。閒買夜來醉。

水龍吟

蘋花

菱歌唱斷前溪。青山影裏秋江老。晚風乍起。涼煙不散。數花開早。去
鳥明邊。閒鷗眠處。采香人少。便翠禽一點。愁他難立。除非是。蜻蜓小。

有客谿頭垂釣。又句留、一年過了。楊花身世。蘆花伴侶。嫩寒清曉。隨意停舟。偶然照眼。添枝紅蓼。向水仙祠下。登蘋搴藻。共寒泉茗。

齊天樂

果蠹

蟲蟲生就腰支細。孤懸長自幽怨。小尾雄蠹。畫衣穉蠹。未許尋常相見。案頭筠管。想小寄全家。一丸泥滿。暖日窗櫺。蛛絲捎徧畫檐短。蛩笙相和淒切。聽哀音微細。似續還斷。負蝨身勞。顛當門守。也結蟲天仙眷。休言善幻。笑人世兒曹。骨凡難換。戢戢螽斯。一宵如雨點。

桂枝香

黃蜺

春潮長處。正隔浦聲喧。檝頭船聚。似罨春泥。不用笊箸漁具。從來論斗平量慣。敏舫呼。鹿錄拋與。有時亥日。漁娃白足。筠籃提取。俊味

江鄉堪數。比青鯽、白蝦羹湯同煮。合口椒辛薄醉。想伊風趣。兒童不識螺名扁笑。且食蛤蜊知許。湯溫甲卸。配他早韭。翦來新雨。

滿江紅

九日。同鐵門登鳳皇山頂。尋女教場望江。用倦圃竹垞錢唐觀潮韻。

四面青山。放江水、適當其闕。流不盡、南朝遺恨。中原如髮。更殺一圍傾國笑。誰橫萬弩迎潮發。只茱萸醉裏詫漂零。人吳越。花欲笑。簪邊雪。雲欲擁。巖前月。名巖問男兒何用。置身高絕。百感茫茫隨處有。大江滾滾何時歇。恨觀濤僕病未能來。中秋節。

買陂塘

題胡稚君廬山識面圖

插清江。成峰成嶺。湖山如此明秀。何人小坐槃陀上。高挹匡君衣袖。

開笑口。道蓮社羣賢。待爾相尋久。扁舟落手。問何不乘風。開帆捩柁。數徧翠屏九。平生事。布韞青鞵都有。游踪尙欠江右。五峯一一雲中問。與老人期何後。牛馬走。恐待我歸來。頭白成衰醜。觀河面皺。想意外奇逢。圖中人到。相識定如舊。

金鏤曲

閩僮黃姓。汀產也。湘湄名之曰汀鷗。爰紀以詞。

欲問伊鄉里。有詞人。小名錄就。當筵須記。萬里家山誰馴得。漂泊黃童年紀。夢不到。汀洲蘅芷。道我主盟三十六。肯相從。浩蕩江湖底。僮約在。煙波裏。可能便逐漁兄弟。買陂塘。綠蓑青笠。船頭沙觜。配箇樵青都不惡。婉婉阜羅鴉髻。應不羨。風標公子。莫度荔枝香一曲。怕回腸。容易鄉思起。謂不信。如春水。

醅相思

苦雨

屋角鶉鴝催不去。和簾外、流鶯語。問裏湖、外湖曾到否。朝來也、瀟瀟
雨。晚來也、瀟瀟雨。溼了清明寒食路。把杏花期誤。只孤負、討春人
此度。春去也、留難住。人去也、留難住。

菩薩蠻

何夢華半塘春泛圖

青絲纜細蘭橈艤。濛濛人立垂楊裏。二十六鴛鴦。一堤春水香。半
塘春好處。總是藏鴉樹。樹下記兒家。出牆姊妹花。

太常引

夢華以葉小鸞疏香閣眉子研銘拓本見示。屬爲賦之。

婦眉人倚袖羅寒。月子對彎彎。笙鶴去瑤天。算只有、蟾蜍淚潛。琉
璃匣啓。櫻桃雨潤。長定試麋丸。小字讀迴環。又想見、當時遠山。

臺城路

梅華帳額

珊瑚海底枝枝軟。玲瓏翦碎寒月。羅帳如煙。銀鈎不動。小積半牀香雪。移鐙挂壁。怕骨冷魂清。玉龍吹徹。漠漠梨雲。江南路向此中覓。年來何遜蕉萃。記東閣詩篇。西磧遊展。鬢點吳霜。夢殘舊雨。髣髴屋梁顏色。翠禽低說。正人倚高樓。裏羅寒絕。待訴相思。玉參橫永夕。

疏影

花影吹笙圖

空庭潑水。正玲瓏澹月。簾影垂地。悵望銀河。閒弄參差。箇儂知是誰思。橫枝清瘦。疏花活。漸篩滿薄羅衫子。只枝頭翠羽雙栖。闌見那時情事。難忘黃昏院落。畫闌十二曲。曲曲同倚。半攏春纖。半度脂香。炙暖一行銀字。年來白石風情減。有自作新詞誰記。但每逢花月嬋

娟。便想畫中雙髻。

百字令

阮雲臺閣學重葺曝書亭。命工摹竹垞圖。自和竹垞元詞
二闋。余亦繼聲。

鴛鴦湖上。記櫂歌來往。扁舟曾泊。載酒江湖人在眼。渺渺微波難託。
八萬卷書。兩三竿竹。閒想歸田樂。百年如夢。暮雲幾葉零落。當日
雨裏芭蕉。水中菡萏。位置煩斟酌。舊觀頓還圖畫好。依約黃簾綠幕。
詞客有靈。先生應笑。此子宜邱壑。他時重到。炙笙須喚菱角。

摸魚子

題李武曾徵君藝蘭圖。用竹垞集中灌園圖韻。

問先生。灌園老矣。尚餘幾稜青畝。平生述作騷苗裔。小寄外孫齋白。
歸隱後。渾不記上林花木春明柳。遂初賦就。想堂北春濃。陔南人健。

一笑且開口。堂前樹。秋錦勝如錦畫。西風幾度搔首。天涯芳草行吟徧。荃蕙化茅都有。交耐久。算只有。南鄰朱老長攜手。別無恙否。約雜佩。紉秋寒泉薦菊。來訪橘中叟。

國香慢

媚蘭小影爲夢華題

眞色生香。有小名試錄。雅稱孤芳。幽居自憐空谷。未嫁王昌。定記官牆留字。聽鐘聲。催月斜廊。用明宮女媚蘭仙子詩無言但凝睇。一寸愁心。多少思量。彩雲天遠處。想明眸秀鬢。霧閣雲窗。玉梅花下。誰念蕉萃何郎。尙有三生舊約。怕錦瑟。今似人長。還應只如此。楚楚眉痕。澹澹明粧。

紅娘子

古祕戲錢

金鑄鴛鴦牒。土蝕相思骨。姹女風流。沈郎輕薄。秦宮偷活。看雙飛蝴蝶。正團圓。任漫天榆莢。覆雨翻雲狹。地久天長恰。蠟視橫陳。神傳阿堵。夢殘金穴。笑人間駉女與癡兒。買春風時節。

金縷曲

題雲臺閣學修書圖

上苑春如綺。護重重、琅嬛祕笈。花光雲氣。東馬才名終賈歲。朝罷橫陳圖史。早位置、筆牀研几。天上愚憎仙儘有。讓官中、元九呼才子。絀萬卷、倩雙髻。使星重指錢江水。看紛紛、珠墳笙典。赤文綠字。椽燭兩行官吏散。學士又修書矣。問福慧、如公能幾。應念書生寒骨相。短鑿繁昏對牛毛細。旁匿笑、玉川婢。

清平樂

題張綠卿花陰填詞圖

花陰漸轉。衣上春痕淺。圓月一規人半面。好箇深深庭院。玉簫金管都宜。偷聲減字休遲。知否露寒風峭。紅兒小立多時。

洞仙歌

題葦宮花史圖。圖十有二人。

碧城深處。有闌干幾曲。幾疊屏風護羣玉。正巫雲滿峽。霄露承盤。三面海。看浴鴛鴦卅六。一年春好處。風信番番。兩兩仙人小名錄。隔座辨釵光。下九初三。算佳約。閏年須續。試屈指。花朝是幾時。怕歲歲月員。時時花落。

摸魚兒

送淶卿入都

甚怱怱。驪歌催發。江天雲物淒緊。西湖鴉舅初黃候。做出別離風景。江上艇。早載著曉風殘月和愁等。哀鴻成陣。向越角吳根。燕南趙北。

相對一繩整。長安道。十丈紅塵埋軫。五侯八貴朝請。書生馬狗衣
鶉結。料爾爲郎無分。堪一哂。道我已無家。隨處漂零肯。酒徒歸盡。問
壚畔燕姬。車前騶卒。何處醉眠穩。

又

淥卿自都門歸。復遊山左。作此贈行。并寄黃小松司馬。陳
勇生上舍。

有征鴻。南來北去。道逢旅雁相語。差池短翼三千里。爲是栖栖何苦。
嘗險阻。又破帽殘衫。重蹋西陵路。搖雲散雨。總難忘當時。西園賓客。
梧竹對衡宇。人生事。銷魂最是羈旅。今人管鮑如土。一錢不直張
三影。怨曲旗亭空度。休見妒。道老矣蛾眉。金綫無心作。去事何知許。
且問訊陳三。寄聲黃九。慷慨爲君舞。

又

寄淶卿

聽烏烏。城頭畫角。馬頭風色催暮。重來人已漂零慣。衫上淚痕難數。來又去。恰子野兜孃。都在吳城住。酒邊傳語。道有箇吳儂。夜闌沈醉。羅帕喚題句。青樓夢。三生杜牧還作。去而今絲鬢千縷。雖鷺乳燕曾相識。想在綠陰深處。風吹雨。問秋色離華。可似江南否。羈懷最苦。但卻扇風情。題襟心事。都付倦飛羽。

水龍吟

湖心亭夜泛。追憶舊游。俯仰身世。渺渺今余懷也。

月痕都化涼煙。雙堤沈在涼煙裏。藕華露溼。菰根風戰。瓜皮船艤。一寸秋心。三分是月。七分是水。看湖心點點。山山不斷。渾只露。依微髻。忽憶去年此日。伴故人。敏舡同醉。笑橫長笛。倚歌小海。有魚龍氣。游倦成悲。離多易老。居然千里。但回船夜半。圓沙拍拍喚眠鷗起。

又

人日寄故園諸子

草堂人日梅花。可憐又向天涯度。華前思發。雁邊書遠。道衡空賦。風
颭鐙初。雪消寒未。春愁如許。算一般客裏。阻風中酒。還不及。西湖住。
料得故人傳語。欲題詩。故鄉何處。也應難忘。盟鷗池館。黏雞窗戶。
子夜歌休。辛槃春老。丁年人去。但柳條弄色。年年仍作舊時眉嫵。

齊天樂

童佛庵有素冊。爲蝨魚所蝕。其鑿空處皆肖蜨形。殆天巧
也。詞以寫之。

近來不食人間字。滿腔都是春恨。青簡生涯。白蟬身世。幻作漆園夢
影。羽陵困損。算不似花閒。栖香差穩。莫羨神仙。蛻餘且就此中隱。
有人曝來永晝。比夾雪新籤。白描副本。栩栩蘊蘊。魚魚雅雅。兩翅尙

黏殘粉。滕王休晒。是癡絕書生。香奩吟吻。展向春風。半窗芸葉冷。

菩薩蠻

金釭釵粟紅如許。爲誰擁髻淒無語。一夜雨潺潺。春風樓上寒。玉
鞭斜墮馬。知在垂楊下。低語祝梅花。上元須到家。

又

暮雲重疊山如織。一痕淺黛依微碧。此際有人愁。夕陽山外樓。春
鏡初試了。寒到春衣峭。莫是不歸來。玉梅開未開。

又

月痕移到梅花澹。畫樓人立春寒淺。殘雪未消時。一枝還一枝。銀
屏雙雛鷓。香篆和煙碧。相見便嫣然。問郎恣意憐。

又

東風皺得春痕重。香羅深護梨雲夢。道是太淒迷。隔簾殘雪飛。蕭

郎歸又晚。春勝如花淺。何事有閒愁。玉簫吹兩頭。

又

吳儂何必吳中住。五湖便是三生路。船小慣藏春。千絲網越人。二年留一笑。底事催歸早。一路遠山多。畫眉人柰何。

買陂塘

自題山陰歸權圖

問年年。阻風中酒。江湖人竟歸未。居然一棹衝風雪。粧點蕭蕭行李。圖畫裏。有萬壑千巖。送箇人雙髻。剡谿休擬。且霜破黃柑。鐙挑紅粟。晚飯柁樓底。移家好。莫認鷗夸西子。鏡湖他日須賜。千絲細網。三生石。兩槳劃開春水。歸去矣。算泛宅浮家。儘可稱鄉里。權歌聲起。試擁檝煩卿。扣舷和汝。此曲定能記。

又

穀人先生題淶卿露華詞。未有見及之語。依韻奉酬。并寄都下諸故人。

算年來此中日夕。淚痕被面如洗。鷺鷥燕燕張公子。空皺一池春水。誰得髓。便白石玉田。都付旗亭裏。酒闌人起。想紅燭筵前。烏絲闌底。儘做別離味。知音少。前輩愛才會幾。當時沈范堪儼。春風傳唱揚州路。齊卷珠簾十里。我倦矣。似漂轉飛花。未許游絲繫。舊遊應記。但寄語燕臺。酒人相見。有口且深閉。

河傳

題夢華鉅雲圖

小字。須記。喚爲雲。暮暮朝朝見君。送君南浦愁復深。千金。酬他一笑心。阻風中酒年年過。誰伴我。且賦風懷左。謝芳姿。網千絲。他時。蠶雄粉蝶雌。

夢華屬意
一婢故及。

探春慢

綠卿自山左來杭。合并西湖。未及十日。卽爲東阿之行。酒邊索贈書以爲別。

慢水搖堤。飛花撲帽。相逢又是春半。俊侶疎時。鈿車歸後。小結嬉春閒伴。誰記重來客。算只有垂楊青眼。問伊昔日風流鬢絲。何事零亂。卻笑一年一度。渾不似定巢。王謝雙燕。寒食光陰。天涯情味。消得幾回相見。還共西湖約。怕尙有輕風吹轉。莫滯游踪。高樓人正凝盼。

洞仙歌

寄素君

綺窗臨水。挂一重簾子。簾外垂楊畫船繫。道春風正好。催放輕橈。全不管。先把箇儂催起。嘔啞聲未遠。轉箇灣頭。眼底居然便千里。不見一重簾。簾外垂楊。又何況。隔簾雙髻。算臨別無言忒忽忽。有曲曲

谿流。是伊清淚。

又

小桃落盡。又春寒側側。過了今年小寒食。便鶯簧怨雨。蛛網黏花。歸去也。春已三分之一。昨宵淺夢裏。夢也無憑。夢裏人人更無力。軟語任憑肩。低髻愁眉。是鏡下。舊時顏色。只忘卻歸期。約何時。猶自說高樓。杏華消息。

買陂塘

蘭泉先生招集瑤璫寺看牡丹。分韻得更字。述以此詞。

又悒悒。滿湖香絮。一年春已將盡。東風收拾閒紅紫。并作者番芳信。風乍定。有臥穩狸奴。日午花陰正。鉤簾試問。問花底年年。看花伴侶。得似此時俊。佳招踐。連日陰晴難準。能來須是乘興。沈香應詔關何事。薄醉被人呼醒。文字飲。看白髮嬉春。一老紅闌凭。擘牋賦韻。儘

雀舫移頻。鈿車歸了。後約試尋更。

又

方臺山屬題冰壺夫人桃源春泛圖

看浮槎坐來天上。一篙春水初暖。川原遠近都如綺。十里明霞新翦。紅一段。向鏡裏盈盈。同照春風面。阿誰曾見。算只有紅襟。掠波雙燕。隔水定偷眼。仙源好。已熟胡麻仙飯。休歌水遠人遠。當年便笑天台侶。不解人間何戀。歸緩緩。愛輕浪魚鱗。容與中流半。流年暗換。但黃竹箱開。縷金衣試。紅雨尙應滿。

水龍吟

語兒道中。萬綠如水。澹日微陰。時漏疏雨。扁舟搖兀其間。爲賦此調。

是晴還是微陰。濛濛好箇江南路。桑陰兩岸。竹梯橫閣。最深深處。去

鳥孤明。連山積翠。夕陽界住。正扁舟有客。微吟淺醉。譜腸斷。方回句。
又是一年羈旅。一年春。又隨人去。換他幾點。漚邊鷺外。疏疏殘雨。
圓鏡冰寒。生綃紅潤。也應淒楚。待歸時細問。香銷夢斷。定思量否。

清平樂

春湖吟社扇面爲夢華作。

兩湖如鏡。雙照桃鬢影。花外夕陽紅不定。又是畫船歸近。去年煙
雨溟濛。今年花月惺忪。斷送一生顛顛。只消便面春風。

國香慢

袁壽塔屬賦紅蕙

乍轉光風。自三閭去後。九畹滋同。孤芳肯隨荃化。忽訝春容。莫是獨
醒良苦。倦行吟。薄酒微中。幽懷與誰語。寫入朱弦。怨曲纔終。湘江
江上水。便覺來淚滴。勻染難工。荷衣顛顛。未應綬帶垂紅。回首金閨

樓外記薛家小妹初逢。香魂便能返。澹粉輕脂。終恨惺忪。

浮眉樓詞卷二

疏影

舒衫受落花圖

春陰似墨。正輕衫乍試。何處橫笛。應是高樓。不管清愁。便訴江南消息。玉人未醒梨雲夢。想獨步、冰苔猶溼。恁禁他、翠袖天寒。無數落英如積。苦憶西園清夜。酒邊出素手。曾共攀摘。漸老何郎。便約重來。不是舊時月色。東風衣袂。憑誰問。怕只有、淚痕留得。判一生、消受春愁。點點唾花凝碧。

水龍吟

厭勝鏡徑二寸有奇。背列祕戲者四。女裝絕似武梁祠像。六朝物也。

分明一片新荷。團團照見鴛鴦睡。秦時明月。漢宮春色。唐家遺事。影裏鸞孤。盤時龍寡。物猶如此。笑何妨注就。蟲蟲燕燕。添四角中央字。長定循環纖指。暈紅潮。背人偷視。宿粧慵整。長眉未畫。慊慊情思。三閣綺羅。六朝金粉。而今何似。看土花淺碧。爛熳多分是銅仙淚。

紅情

題二娛鷗夢圓圖用玉田韻

生香活色。有水天閒話。憑肩語密。除卻鴛鴦。只有眠鷗似相識。三十六陂舊夢。明鏡裏。低徊潛憶。問微步。一餉凌波。羅襪可曾溼。小立。鬢鬟側。想明月那時。流水今日。春風靈液。澹盪其間浪痕碧。自恨采香太晚。重到也。紅衣非昔。又況畫船艤處。船中玉笛。

沁園春

二娛爲余題螭螻卷子。比物象形。裁雲縫月。後有作者。未

能或之先矣。酒酣以往。逸氣全涌。閒爲變調。以摗鬱塞之懷。并示二娛。

鑽紙蠅癡。伏案螢乾。男兒可憐。笑吾其魚矣。人言善幻。遽然蜚也。或羨成仙。五蠹書成。一生花活。遊戲其閒。然不然。君休問。看此中有鬼。蟲亦能天。爲君試質前賢。更有箇吾家博物傳。是蒙莊闊達。未離文字。謝郎輕薄。多爲詩篇。磊落景純。蟲魚詮釋。鳳子春駒。有闕焉。亡應補。任叢殘科斗。零落蝸涎。

齊天樂

北山旅館圖。用穀人先生韻。爲華秋槎司馬作。

十年載酒江湖徧。不歸如此湖水。小艇鳴榔。低檐結網。穩住一家深翠。畫圖寫意。問選箇江鄉。西湖有幾。鴨脚黃邊。幾人同此夕陽醉。當歸故鄉應寄。笑薛宣東閣。眞欲相吏。篋裏伊涼。胸中雲夢。暗老英

雄身世。壯心不已。道種菜閉門。漸諳斯味。何況鱸膾。秋風斜日裏。

洞仙歌

書素琴校書扇

當年桃葉。向渡頭曾見。問姓分明掌中燕。把舊時衣袂。與說相思。東風裏。可記淚痕曾染。厭厭三爵後。素女琴心。忽發狂言有誰管。教寫折枝梅。翠羽啾啾。定闌見。玉人清怨。肯等到闌干。月明時。便幾個黃昏。也都情願。

又

題錢叔美爲疏香女子畫梅。用袁蘭邨韻。

東風著力。恰雪痕微逗。略解春情便應瘦。似那回曾見。隔箇窗紗。修竹裏。翠袖暮寒時候。江南二三月。豔紫妖紅。兒女十_平枝五枝繡。誰得比孤清。一斛珠量。除聘取。海棠消受。擬待到昏黃。月微明。倩玉

笛橫吹看珠簾秀。

風蝶令

秋影樓圖

雁齒紅橋近。烏衣曲巷斜。水天閒話記些些。六扇冰紋。榻子慣藏他。
春燕雙栖地。秋風八月槎。重來那不感年華。猶傍水楊柳樹。問伊家。

百字令

題蘭村南園春夢圖

東風何苦。只送將春到。難留春住。落絮游絲無氣力。還自飛來飛去。
白水橋梁。紅泥亭榭。人說南園路。畫圖省識。看來已是前度。莫倚
錦瑟筵前。楚腰掌上。年少能才語。記得些些。惆悵事。便費蠻牋無數。
玉局彈碁。銅槃遞淚。此夢儂曾作。去去年今日。桃華亂落如雨。

喝火令

莫愁小像。爲汪紫珊姬人綠玉作。

文杏裁梁柱。流黃織畫紗。春風留住六朝花。願作紅襟雙燕。飛去入伊家。有箇人如玉。看來略似他。重幃初卷繡裙斜。只少耳邊朱暈一些些。只少阿侯膝上。小語學嘔啞。

高陽臺

隨園席上贈別疏香

暗水通潮。癡嵐閣雨。微陰不散重城。留得枯荷。柰他先作離聲。清歌欲遏行雲住。露春纖。竝坐調笙。莫多情。第一難忘。席上輕輕。天涯我是漂零慣。恁飛花無定。相送人行。見說蘭舟。明朝也泊長亭。門前記取垂楊樹。只藏他。三兩秋鷺。一程程。愁水愁風。不要人聽。

買陂塘

信宿隨園。頗極文燕之樂。將歸之夕。蘭村以秋夢樓圖索題。黯然賦此。

小紅樓。居然百尺。文窗了鳥深閉。豈知中有悲秋客。夢與碧雲無際。湖海氣。只打疊柔情。不斷如春水。偷聲減字。問白石玉田。金荃蘭畹。多少可憐子。浮名好。低唱淺斟何似。爲誰此景輕棄。六朝山色雙眉嫵。換了青衫從事。我醉矣。想葛屐西華。那有桃花米。能謀酒未。怕江上荻聲。塔前蛩語。漸漸有秋意。時蘭村將入都謁選。

祝英臺近

題梅卿女史倚竹圖

玉釵長。金釧瘦。濃綠翦雙袖。刻徧琅玕。又是一詩就。問他翠羽三更。捧龍半夜。可窺見。繡鞵冰透。算佳偶。鳳背天外尋難。得似舊人否。磨鏡劉楨。平視也低首。同君一樣西家。牽蘿補屋。定念我。暮寒時候。

柳梢青

贈琵琶伎

直得魂銷。髻簪寒玉。袖卷輕綃。半面猶遮。四弦入破。涼月初高。天涯淪落相遭。酒醒處。天風海濤。翠被秋深。烏篷露冷。一樣今宵。

長相思

荻花殘。蓼花殷。一樣秋風有兩般。紅紅白白看。笛聲乾。角聲酸。行盡江南無數山。征衣漸漸寒。

好事近

效朱希真體

瓜步晚潮生。一峭布帆百里。酒醒鐘聲何處。出金山寺裏。金山對面是焦山。睡著兩鬢髻。只有半鉤殘月。照船中篋起。

又

歸舟同竹士作

何處是儂家。歷歷青山無數。青到一重樓上。對箇儂眉嫵。朝朝江上望歸船。江住見山住。指點片帆飛過。在青山斷處。

闌干萬里心

自題浮眉樓圖

濛濛絲柳不藏秋。隱隱疎簾半上鉤。見說年年愛遠游。一重樓。兩點眉山相對愁。

高陽臺

錄別

玉局中心。金釭照眼。悲秋人又長征。擁髻淒然。背鐙直是愁生。三杯兩盞將離酒。怎禁他和淚同傾。太淒清。蛩語聲聲。雁語聲聲。銅籤屈指無多路。說當時歸權。一半曾經。後夜明朝。爲儂細算郵程。鴛鴦

湖上條條柳。望前頭有座旗亭。肯消停。風也須行。雨也須行。

貂裘換酒

十月一日。借鐵門倪米樓同游冷泉亭。至白衲盦下山。經蕭九孃酒壚。泥飲而歸。屬湘湄作寒壚買醉卷子。紀以此詞。湘湄曾與余雪夜同宿酒樓。持火入山。題詩石壁上。此圖亦不可無詞也。

雅勇紅如此。正千山萬山夕照。不知幾里。忽見青旗高樓外。其上有翩翩字。有隨分橙黃筍紫。我是酒徒元無賴。索銀餅。莫笑麕豪氣。鷗霜解。可容貰。四山積雪危闌倚。話當時。風懷酒膽。故人老矣。不向冷泉亭下醉。負此松風兩耳。況落葉紛紛而至。寫作畫圖傳也得。要壚頭。貌个雙丫髻。渠能記。十年事。

誰畫荒寒景。但蒼蒼、暮雲一片。亂峯齊暝。幾陣盤鴉催風色。又作
去。江干霜信。況遊子、衣單誰省。淒緊客懷無着處。只山樓、一角斜
陽賸。紅樹外、酒旗影。題名重向壚頭認。算青衫、十年著破。轉蓬
無定。莫更當杯歌恍慨。擁髻清愁未醒。定說到、漳濱人病。舊雨不
來前塵在。也依稀、隣笛山陽聽。題此卷、誌我幸。

又

朱春生 鐵門

如此秋光好。看西湖、亂山深處。楓林紅了。十里沿谿彎環路。不借
一雙能到。且莫管、亂雅殘照。記取年時沈醉處。揭青帘、便索銀餅
倒。煨落葉、暖清醪。舊愁新恨知多少。似今番、清游有幾。暗傷懷
抱。自喫天台胡麻飯。乞食何曾一飽。悔不作、酒家傭保。一樣漂零
風絮影。看當壚、人也朱顏老。休怪我、鬢霜早。

疏影

帆影和米樓韻

爲誰送到。恁斜斜整整。驀地來悄。暮雨初收。疊鼓猶催。殷勤澹月留照。支筇愛喚秋江渡。問波底、去來多少。只兩邊、純浸遙山。一霎半湖遮了。記得離筵江上。舉杯尙未勸。聽說風好。猶自憑闌。不覺回頭。已亂一行飛鳥。知他寂歷斜陽外。消幾度、醉眠欹倒。怕有人、腸斷登樓。誤認粘天衰草。

金縷曲

題米樓夢隱詞。卽用其集中紅豆詞韻。

燭池更闌矣。怪今宵、聲聲落葉。都來窗裏。細字蠶眠無多幅。不信愁人至此。看眼底、詞流有幾。偶作天風海濤曲。又吹花、嚼出紅霞蕊。翩然跨、琴高鯉。天涯別緒紛難理。漫沈吟、舊歡如夢。流年如水。說著江南腸斷句。中有淚痕隱起。只合付、薛家車子。張緒漂零尤表遠。

二儘時人，笑把周秦比。莫寒了，調箏指。

又

題汪飲泉秋隱庵填詞圖

十里春風路。有伊人、裁雲縫月，移宮換羽。身是三生狂杜牧。今日鬢絲如許。只逢著、秋孃能賦。問訊汪倫情何似。也桃花、亂落如紅雨。君莫怪，作癡語。竹西歌吹依然否。但年年、吳公臺畔，鬥雞兒女。腰鼓儘消三百副。誰唱康郎樂府。況白石、揚州詞句。何必紅紅方能記。倩笛家、吹入蕢洲譜。蜀井水，在何處。

賣花聲

姜怡亭葬女郎于西湖，作瘞花圖，乞題一詞。

小雨夜愔愔。寒戀重衾。朝來香徑怯相尋。不信東風魂不斷，葬得深深。舊事暗沈吟。顛顛而今。長堤宿草有紅心。翻羨當時狂杜牧，來

便成陰。

祝英臺近

怡亭秋晴訪碑圖

石排衙。窗列岫。往事記重九。閃閃寒雅，如墨點雙袖。看君走上層巔。摩挲斷碣，全不怕。藤纏雨溜。試搔首。要問一片韓陵，共語尙堪否。近日磨厓，山骨斲應瘦。年來愛注蟲魚，肯分金石。笑茶覆懷中人有。

夢芙蓉

蘭村寓大佛寺僧樓。同人畢集。湘湄爲作湖上雲萍圖。紀以此詞。

北風江上冷。正湖天黯黯。客懷淒緊。凍雲幾葉。流出片颿影。故人期尙準。楓林休負霜信。佛屋蕭然。有兩三倦侶。吟到夜鐙暈。同調相逢一晒。中酒悲秋。已是三生病。畫中眉嫵。不似舊時靚。雁飛渾未定。

夕陽猶戀寒陣。如此江山。又怱怱別去。十日醉應肯。

清平樂

徐山民吳姍姍夫婦柳陰雙漿。合冊屬題

鵝兒搓就。小試調酥手。眉葉腰身誰比瘦。春水生來先皺。芳草一路芊眠。江南春盡如天。不信別家樓上。陌頭柳色年年。

醉太平

蘭村移居玉華樓

煙雲一牀。煙波一囊。移家仍住僧房。可青山一窗。平林夕陽。長橋夜擲。只多十里湖光。見南屏曉粧。

暗香

宋西樵爲其妹作梅花于扇。湘湄徵君屬賦之。

萬花開落。怪東風最早。吹醒寒玉。只有廣平。一賦千秋擅幽獨。憐取

山礬是弟。想雷岸、書回應索。便說是、便面春多、香冷不盈握。茅屋。翠袖薄。正日莫、天寒絕代空谷。怨娥自綠。愁點當時額、黃角。高臥袁郎記否。曾小小、珍禽同宿。算合喚、楊妹子、爲題滿幅。

疏影

湘湄有所恨。畫青梅子一枝以寄意。霜辛露酸。別有寄託。非牧之詩意也。以余有元白之好。知拂面花故事。屬倚聲以紀。

玉梅未落。有枝頭點點。酸意先著。齒冷吳釵。不管春寒。臨風自弄霜角。高樓也有人橫笛。但樓外、翠禽偷覺。試問伊、葉底清圓、莫認綠陰成幄。記否、年年此際。鸞桃已結子。蠶豆初熟。山店燒春。寒食時光。陌上草痕新綠。消他幾度沈沈雨。已過了、杏花錫粥。又教人、腸斷江南。只恐方回難讀。

金縷曲

山民出示國初諸公寄吳漢槎塞外尺牘。輒題其後。

幾幅叢殘紙。是當年、冰天雪窖，眼穿而至。萬里風沙甯古塔。那有塞
鴻接翅。更緘寄、烏絲彈指。二集一代奇才千秋恨。換故人、和墨三升
淚。生還遂、偶然耳。諸公袞袞京華裏。只斯人、投荒絕徼。非生非死。
徐邈顧榮皆舊識。立齋梁汾難得相門才子。若容歎不僅、憐才而已。感慨何
須生同世。看人閒、尙寶瑤華字。只此道、幾曾棄。

生查子

階前一片苔。青到牆陰住。羅幃是何人。小印香痕去。愁隨鑪篆長。
影共鐙花語。關了碧紗窗。各自聽春雨。

買陂塘

二月十四日。坐江山船行諸暨道中。山水清妍。雜花生樹。

傷春傷別情見乎詞。

放輕船。青山影裏。欹斜帆葉低挂。溶溶漾漾平堤水。誰把越羅新砑。花事乍。已過了花朝。春月圓今夜。柁樓飯罷。有新柳泥人。閒鷗窺客。愁重酒難把。當年事。想見鷗夸妍雅。扁舟容與其下。一峯最遠眉痕澹。絕似苧蘿初嫁。誰共話。算如此江山。少箇人如畫。先生歸也。問春雨樓頭。杏花賣未。和淚寄羅帕。

金縷曲

得綠卿山左書。并見懷之作。走筆寄答。

好在張公子。正經年、思君不見。飛來片紙。不過相思加餐飯。難禁淚痕如洗。更一一、新詞同寄。宛轉漂流都不訴。但略言、青鬢今如此。抱玉泣、且休矣。橫榔滿斛渾閒事。算天涯、相攜花下。不如歸耳。若得江鄉比隣住。隨意孤村小市。有舍北、舍南春水。鶉鴨往來菱芡賤。種

湖田薑蔗供租稅。只此願。幾時遂。

沁園春

寄伯生

一別三年。不見蔣生。可憐酒徒。記長安市上。狂歌痛飲。盧溝歸路。駿馬名姝。牧豕公卿。爛羊都尉。笑爾盈盈公府趨。因君問。怕沛南士少。歷下亭孤。年來豪氣銷除。便載酒江湖失故吾。有白頭老母。是兒可念。紅粧少婦。夫婿言殊。歲歲依人。年年下第。領底鬢鬢漸有鬚。都休矣。看抱關吏賤。處士聲虛。

百字令

春盡夜。酒醒有作。

沈沈細雨。又一番春事。一宵將盡。判與憎騰扶醉過。酒到無膠偏醒。再爇餘香。重燒紅燭。惜此須臾景。教添半臂。薄寒今夜猶賸。絕似

有客天涯。年年此度。先在河梁等。刻意欲裁腸斷句。筆底落紅成陣。
謝女檀郎。濃香淺夢。那有閒心性。中年哀樂。淒然自看雙鬢。

水龍吟

題陶鳧鄉客舫填詞圖

歇斜幾扇烏篷。消磨詞客江湖老。阿誰畫出。微茫煙樹。翩翩沙鳥。若
雪往來。當時相見。中仙風調。儘船頭獨酌。船舷獨斂。除漚鷺。無人曉。
欲放扁舟何處。路彎環。牽去絲風裊。東禪寺畔。相思樹底。小紅猶
小。我若相逢。阻風中酒。年年都好。笑恩恩回首。煙波已過。卻松陵道。

新雁過粧樓

漢宮雁足鐙

別苑離宮。傳遺製。分明燭影搖紅。一行低照。三十六處秋風。料得調
箏孤影裏。伴他促柱月明中。最惺忪。暮傳蠻蠟。昏綴釵蟲。誰憐長

門永夜。正恁時。鐙暗。聽徧征鴻。寒鴉雖冷。猶帶曉日。曛曛。羈臣帛書
難寄。但悵望。甘泉遙舉。朝來看。有成堆紅淚。先滿金銅。

月華清

蜀王衍停空鏡

秋老蟾蜍。春迴鸞鵲。故宮鉛水猶冷。蜀道青天。鑄出一丸孤影。想當
日。媚臉傳紅。定照見。醉粧初醒。誰省。向麗情集裏。芳名細認。記否
良工質瑩。正繡幌低懸。綺窗幽靚。尖裏羅巾。有箇如花人並。算儘隨
金盃漂零。問可似。玉奴長恨。堪哂。怕後來花葢。宮詞難詠。

瑞鶴仙

白玉麻姑像

白雲飛一片。是吹來鶴背。風鬟凌亂。方平舊曾見。迹庵司寇認少年狡獪。
當時人面。良工誰碾。定偷闖。蔡經宅畔。問翩然。何處凌波。東海近來

深淺。堪念。一杯春露。一擲丹砂。年華都換。游仙夢斷。垂玉筍。淚痕滿。想瑤臺月下。冰綃帳底。妒殺雙成女伴。記有人、手爪相如。比伊較暖。

水龍吟

蒼龍嘯月琴

刺船海上歸來。枯桐蛻骨寒雲裏。大魚出聽。瘦蛟潛舞。誰吟波匠。萬竅皆喑。一丸初上。四山如洗。有老漁夜半。拋來鐵網。珊瑚樹。收齊起。欲把冰絲偷寫。怕滄江。百靈騰沸。蘇門人杳。廣陵散絕。世無此耳。黯黯龍文。恹恹楚籟。匣塵滿矣。但好天良夜。魂清骨冷。抱金徽睡。

臺城路

題徐縵雲今宵酒醒圖

阿誰抵死催人去。樓頭五更鐘動。玉筍痕垂。銀荷灰燼。消得幾番潛

送。如塵似夢。有萬疊山低。一篷愁重。月曉風殘。離情別恨。此時種。
江郎賦情漸減。送君南浦路。若箇曾共。白雁橫天。秋河絡角。江上夜
潮初涌。薄衾孤擁。想隔著高城。水精簾控。吟到銷魂。瘦肩山字聳。

高陽臺

重逢素琴較書

斷夢牽雲。微波怨雨。重逢故國深秋。只隔經年。玉簫已訴離愁。梁塵
漠漠飛難盡。爲雙栖巢印猶留。下簾鉤。掌上迴身。鏡畔迴眸。思量
處處堪惆悵。有蘭釭影事。桂楫前游。當日絲楊。而今解拂人頭。江東
才思隨年減。怕雲英見也先羞。一齊休。銀甲彈箏。且合伊州。

憶舊遊

題彭甘亭淮陰鴻爪圖

記相逢市上。偶語橋邊。共識狂奴。斗大山城裏。看無雙國士。多在窮

塗。高臺釣絲飄處。淮水正舒舒。問照影征鴻。而今可認舊日頭顱。
愁余。此重聚。又白下秋深。木末亭孤。回首當年事。話王孫老矣。乞食
游吳。羞他少年問訊。長劍佩能無。更有箇官人。蠻雲蜚雨。唬鷓鴣。二謂

又

辛酉秋。重過得月樓。美人已遠。流水無際。卽事悽眷。殊不
勝懷。屬湘湄作山塘。感舊圖。因題此解。

又秋船疊鼓。珠箔飄鏜。隔水樓高。試認雙栖處。看文紗六扇。舊綠都
銷。隔窗玉鉤閒挂。簾影黑。周遭。歎水遠山重。春歸不信。直恁迢迢。
無膠。此重省。記子夜休歌。午枕回潮。欲話吹簫事。問二分明月。何處
今宵。只有應門楊柳。還學沈郎腰。賸當日船樓。斜陽喚渡。斟酌橋。

清平樂

惜花仕女卷

猶兒撼起。日影闌簾未。屈指春光今賸幾。架上荼蘼開矣。褪來袖
複胸前。耳瑤一半猶懸。除卻橫陳時節。者回模樣堪憐。

聲聲慢

西湖寒夜懷淥腳山左

酒波暖處。鐙暈寒初。客愁最苦消凝。鏡裏年光。誰念暮景飛騰。西湖
月荒沙白。剩南山、尙見高稜。定笑我、向危樓獨上。曲檻孤凭。忽憶
故人千里。欲舉杯、相屬喚恐難膺。雁字回時。須寄一幅吳綾。齊州暮
煙九點。怕柔魂、飛夢無憑。待見也。問今宵、成夢未曾。

滿庭芳

風颭窗鐙。霜沈街柝。客懷鄉思相撩。一眉寒月。淺澹畫無繆。隔巷不
知何樹。到更殘、轉自蕭蕭。難忘處。高樓此際。心字正香燒。也應人

倦矣。下帷小玉。滅燭輕綃。有雲屏幾曲。圍住春嬌。嘗記宵寒呼酒。愛看伊。登頰紅潮。還能否。只愁酒醒。依舊是寒宵。

臺城路

索張墨池畫僧廬聽雨圖

生平不分江湖老。而今鬢絲如許。羅帳鐙昏。孤篷浪白。何似僧寮且住。憑君畫取。也未要荒寒。十分淒楚。山色湖光。濛濛更著幾株樹。當年俊遊伴侶。有沈雄騷賦。激烈雞舞。一半飛騰。青雲自致。一半已埋黃土。壯懷漫與。只埽地燒香。佛前鐙炷。歸到西窗。泥他深夜語。

又

題米樓高山流水圖

世間無事無三昧。惟愁會心人少。半死桐枯。七條絲細。未識此中何好。有人絕倒。正水遠山長。獨移孤棹。寂寞千秋。也應直得絕弦了。

知君一襟幽抱。問惜惜琴趣。幾箇同調。夢裏庵荒。蘆中士賤。容易國
工先老。君有蘆中秋瑟詞。夢隱庵君所居也。波平風小。聽門外琴音。是儂尋到。若訪成
連。刺舩歸及早。

醉太平

蓮衣詞爲米樓作

紅衣帶掇。紅顏酒酡。休翻驟雨新荷。怕鴛鴦夢多。前溪緩歌。中流
素波。夕陽一舸重過。又西風柰何。

又

題黃退庵友漁齋圖

庭中碧梧。窗中素書。看君便老江湖。有沙鷗笑無。東家酒壚。西家
狗屠。客來高坐誰與。是煙波釣徒。

又

馮玉如月夜聽簫圖

宵寒更清。簫聲獨聞。碧桃花落紛紛。又人間、莫春。而今鄂君。名香細熏。只他涼月殷勤。照秦樓夜深。

壽樓春

夢華屬題壽華樓圖

高樓浮雲齊。見交疏綺戶。飛級唐梯。最好肩扶同凭。手纖偷攜。看畫取。雙蛾眉。是曉來、春風吹低。問淺笑粧成。閒情定後。前事可重提。天台路。桃花谿。記量珠未穩。尋夢多迷。漫恨親分釵鳳。暗通靈犀。詞有託。詩無題。分此生、銀河東西。算人欲天從。披圖有人應妒伊。

柳梢青

窗戶誰敲。分明花外。竹影微搖。卯酒醒初。丁簾下了。閒到無憀。別離魂夢偏勞。似八月、朝潮暮潮。守到黃昏。上來紅燭。又是今宵。

買陂塘

題陳雪樵留春小舫圖

記曾經千巖萬壑。中流小舫容與。越孃纖手青絲紉。揀繫垂楊多處。來又去。總負了鸞鷺。燕燕匆匆語。知君小住。便挈榼三升。掠波兩槳。敲響水窗戶。人間世。莫道春光難駐。任君青鬢如故。黃皮袴褶從軍樂。已換綠蓑煙雨。儂也誤。算略有。三楹草閣分湖路。頻年羈旅。儘竹外花開。江頭水暖。閒殺舊鷗鷺。

洞仙歌

題張晴厓聽香圖

蟾蜍寒玉。滴露珠清曉。擣麝成塵暗香繞。怪靈犀一點。鼻觀先通。人微笑。莫是遠山須掃。書生病風手。側盾橫磨。底用微揜袖羅小。要見玉纖纖。報墮金釵。難得露麻姑長爪。算我若當筵索新題。便背上

神鞭也都判了。

